

**Peqqinnissaqarfiup iluani napparsimasut naammagittaalliuuteqarsinnaaneratt
taarsiiffigineqarsinnaanerallu pillugit
Inatsisartut inatsisaat
Peqqissutsimut Naalakkersuisoq**

pillugu

Ilaqutariinnermut Peqqissutsimullu Ataatsimiititaliap

siunnersuutip aappassaaneerreqarnissaanut

ISUMALIUUTISSIISSUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Doris J. Jensen, Siumut
Inatsisartunut ilaasortaq Dines Mikaelson, Siumut
Inatsisartunut ilaasortaq Mikivsuk Thomassen, Inuit Ataqtigiit
Inatsisartunut ilaasortaq Edvard Nielsen Aronsen, Inuit Ataqtigiit
Inatsisartunut ilaasortaq Hans Enoksen, Naleraq

UPA2024-mi 5. april siullermeerinninnerup kingorna ammalu UKA2024-mi siunnersuut
ataatsimiititaliap misissorpaa.

1. Siunnersuutip imarisaa siunertaalu

Siunnersuummi matumani naammagittaalliorsinnaanermmut aamma
taarsiivigineqarsinnaanermmut aqqissuussineq nutaaq ataatsimoortorlu atulersinneqassaaq,
taamaaliornikkut peqqinnissaqarfimmi napparsimasut pitsaanerumik
sunniuteqarluarnerumillu naammagittaalliorsinnaanissaat taarsiivigineqarsinnaanissaallu
qulakkeerreqarnissaa kissaatigineqarpoq.

Ataatsimut isigalugu peqqinnissaqarfiup peqqinnissaqarfimmi peqqissaanermik suliaqarneq
pillugu, peqqinnissaqarfimmi peqqinnissamut tunngasutigut sulinnermut, peqqinnissaqarfimmi
suliarinninnivik pillugu naammagittaalliuutigineqalersinnaassapput (sullinneqarnermmut
maalaarutit).

Nunatsinni Nakorsaaneqarfiup ataani naammagittaalliortarnermut allattoqarfimmik pilersitsisoqassaaq, taamaalilluni innuttaasut naammagittaalliornissaminni sumiiffik ataasiinnaq saaffigisinnaalissavaat. Naammagittaalliuutip suliarineqarnerani suliap pitsaasumik ingerlanneqarnissaa oqaloqatigiittarnissarlu qitiutinneqassapput. Peqqinnissaqarfiup iluani suliani naammagittaalliuutinut taarsiivigineqarnissamillu piumasaqaatinut tunngasuni suliaqarnermi inatsisitigut isumannaatsuutitsineq innuttaasunut pingaarutilimmik pitsanngoriaateqassasoq Naalakkersuisut naliliipput.

Inatsit siullermik UKA2021-imi saqqummiunneqarpoq tunuartinneqarlunili. Taamanerniilli allannguutit pingaarnerit pingaarnertut ukununga tunngapput: § 4, Nunatsinni Nakorsaaneqarfiup suliap Napparsimasut Maalaarutaannik Aalajangiisartunit suliarineqarsinnaanera pillugu aalajangiisinnaatitaassasoq, taamaattoq § 3 naapertorlugu maalaarutip ingerlatsineq pillugu maalaarutitut suliarineqarnissaanik periarfissaq attatiinnarneqassaluni, § 16, qitornamik annasaqarnermut atatillugu taarsiivigineqarnissamik pisinnaatitaanermi taarsiivigineqarnissamut periarfissaqarneq, §§ 17, 18 aamma 27, naatsorsuinermit aamma taarsiissutinik akiliinermit aalajangersagaqartillugu, kiisalu § 26 eqqartuussivimmi misilinneqarnissamut piffissaliussisoqartillugu.

2. Siunnersuutip Inatsisartunit siullermeerneqarnera

Siunnersuut siullermeerneqarmat tigulluarneqarpoq, inatsisillu atuutilersinneqarnerata nalaani pissutsit, naammagittaalliornermi suliap suliarineqartarnerata aaqqissuussaannera kiisalu inatsisip atuutilersinneqarneratigut napparsimasunut periarfissat piginnaatitaaffiillu malitsigineqartussat pillugit oqallilluartoqarpoq.

Oqallinnermi oqaaseqatigiit “Kalaallit Nunaanni atugassarititaasut immikkut ittut eqqarsaatigalugit aammalu piginnaasaqarnermut tunngasut eqqarsaatigalugit” kiisalu “Kalaallit Nunaanni pissutsit atugassarititaasullu nassuiaatigineqarneri” immikkut ittumik sammineqarput. Aalajangersakkap paasinerlunneqarsinnaanera ernumassutigineqarpoq, taamaalilluni Kalaallit Nunaanni pissutsit pequtaallutik taarsiissuteqarnissaq ajornakusoorsinnaalluni. Angajoqqaat qitornamik katsorsarneqarneranut atatillugu toqusoortut taarsiivigineqarnissamik pisinnaatitaanermi periarfissaqarnissaat oqallinnermi aamma eqqartorneqarpoq. Soorluttaaq peqqinnissaqarfimmi sulianik suliarinnittarnerup ilaata Kalaallit Nunaanni ingerlanneqartarnera aalajangiinernullu tunngasut annertuut Danmarkimi aalajangerneqartarneri pillugit oqallittoqartoq.

Qulaani allassimasut tunngavigalugit immikkoortoq peqqissaartumik ataatsimiititaliamit suliarineqarnissaa innersuussutigineqarpoq.

3. Tusarniaanermit akissuteqaatit

Tusarniaanermit akissuteqaatit inatsisissatut siunnersuummut ilanngunneqarput, tamatumani Inatsisartut Siulittaasoqarfiata ilusiliinissamut piumasqaatai naapertorneqarput. Inatsisissatut siunnersuut siusinnerusukkut iluserisamisut iluseqarluni 15. majimiit 11. juni tungaanut tusarniaassutigineqarpoq, maannakkullu iluserisamisut iluseqarluni piffissami 18. januarimiit 16. februar tungaanut tusarniaassutigineqarluni.

Tusarniaanermit akissuteqaatit kingunerisaannik Naalakkersuisut inatsimmut allannguutissanik tamakkiisunik imaluunniit ilaannakortunik ilanngussisimanerat ataatsimiititaliap naammagisimaarlugu maluginiarpa.

4. Sassartitsinerit

Kattuffiit, ingerlatseqatigiiffiit aamma peqatigiiffiit makkua ataatsimiititaliamut sassartinneqarput:

- Meeqqat pillugit oqaaseqartartoq, ulloq 12. april

Tassunga atatillugu Meeqqat pillugit oqaaseqartartup isummani oqaatigai. Meeqqat pillugit oqaaseqartartup pappilissat ilanngussai isumaliutissiisummut ilanngussaq 1-itut ilanngunneqarput.

Innersussutit aalajangersimasut nassuiaatigineqarsimasut Naalakkersuisut qulaajaanermiinnaa allaavigisinnaasaat, suliarinninnermi ilaatigullu meeqqat pillugit naammagittaalliuutitut suliasani aggersuni pingaaruteqarluarsinnaasut ataatsimiititaliamit iluarisimaarneqarput.

Angajoqqaat qitornaminnik assigiinngitsutigut pinartumik aamma anigorneqarsinnaanngitsumik napparsimasortut uteqattaartumik saaffiginnissuteqartarsimanerat pillugu suliaqartoqartarnera, saaffiginninnerillu tamatigit peqqinnissaqarfimmiit uppersaasiornikkut suliniuteqarfigineqartarsimanngitsut, tassa qulaajaanikkut imaluunniit katsorsaanikkut, ataatsimiititaliamit immikkut maluginiarneqarpoq. Assersuutigalugu eksem pillugu angajoqqaanik oqaloqatiginnittoqartarsimannginnera aamma journalini meeqqat angajoqqaallu isumaat pillugit uppersaasatit amigaataanerat, ilaatigut angajoqqaat isumaalunnerisa annertusiartornerat, ataatsimiititaliamit immikkut maluginiarneqarput.

Meeqqat pillugit oqaaseqartartup suliat pillugit annertuumik qulaajaasimaneranut ataatsimiititaliap qutsavigaa, aamma nassuiaatit saqqummiunneqartut meeqqat pillugit naammagittaalliuutitut suliasani aggersunut tunngatillugu imarisai pingaaruteqartutut isigalugit.

5. Apeqquteqaatit

Ataatsimiititaliap siunnersuummik suliaqarnermini atugassaminik apeqqutinik arlallinnik Naalakkersuisut akissuteqarnissaat qinnutigai. Ataatsimiititaliamit apeqquteqaatit aamma Naalakkersuisuniit akissuteqaatit assilinqarneri isumaliuutissiisummi matumani ilanngussa 2-tut ilanngunneqarput.

6. Inatsisitigut ilusiligaanerata misissorneqarnera aamma ilisimatitsiffiusumik ataatsimiinneq

Ataatsimiititaliap siunnersuummik suliarinninnermini ulloq 12. april aamma 19. april Peqqinnissamut Naalakkersuisoq ilisimatitsiviusumik ataatsimeeqatigaa. Ataatsimiinnerni taakkunani saqqummiunneqartut isumaliuutissiisummi matumani ilanngussa 3-tut ilanngunneqarput.

7. Siunersuineq

Ataatsimiititaliap siunnersuummik suliaqarnerminut atatillugu ulloq 17.maj 2024 Peqqissutsimut Naalakkersuisumik siunersuivoq. Siunersuiuinissamut aggersaassutip assiliner a isumaliuutissiisummut matumunna ilanngussa 4-tut kakkiunneqarpoq.

8. Ataatsimiititaliap siunnersuummik suliarinninnera

Aallarniutigalugu ataatsimiititaliap inatsisissatut siunnersuummik suliarinninnerani Peqqinnissamut Naalakkersuisup pitsaasumik suleqatigisimanera pillugu qutsavigaa.

Siunissami naammagittaalliuteqarnikkut suliat amerliartornissaasa ilimagineqarnera ataatsimiititaliap oqaatigissavaa, taamaattumillu inatsisissatut siunnersuut allaffissornikkut aningaasaqarnikkullu isumalluutitigut malitseqartinneqarnissaa pingaaruteqarpoq, tamanna siunissami sulinerup annertusinissaanut qulakkeerinneqataasinnaavoq. Ineriartorneq tamanna taperserniarlugu ataatsimiititaliaq naliliivoq allatseqarfik pilersinneqartussa q pitsaasunik sulinikkut atugassaqartinneqarnissaa qulakkeerneqassasoq, sullissinerullu aallarniutaasumik piareersarneqarnerani pingaarutilimmi isumalluutininik naapertuuttunik immikkoortitsisoqassasoq.

8.1 Kalaallit Nunaanni pissutsit immikkut ittut

Naammagittaalliornikkut suliani pissutsit suliat suliarineqartarnerinut pingaarutillit, ilaatigut siunnersuummik siullermeerinninnermi Kalaallit Nunaanni pissutsit immikkut ittut taakkartorneqartut pillugit ernumassutaasut, qulaajarnissaat ataatsimiititaliap soqutigaa. Naalakkersuisut akissuteqaatiminni allapput siunnersuutip § 6-iani, imm. 2-mi nalunaarutigineqartoq Napparsimasut Maalaarutaannut Aqutsisoqarfiup aamma Peqqinnissaqarfimmi Napparsimasut Maalaarutaannik Aalajangiisartut sulianik ataatsimut naliliinerminni ilanngussinnaasaat naammagittaalliutit suliarineranut atortussanik piareersaanermut atatillugu suliamik saqqummiussinissaq Nunatsinni Nakorsaaneqarfiup

suliarissagaa. Taamaattumik atuuffik pingaarutilik, sulianik suliarinninnermi tunngavissamik pisarialimmik qulakkeerinnittoq, aamma danskit ingerlatsisut Kalaallit Nunaanni pissutsit pillugit tamakkiisumik paasinninnissamut qulakkeerinninnissaq, Nunatsinni Nakorsaaneqarfiup isumagisaraa. Aalajangersagaaq tamanna tunngavigalugu naammagittaalliutinik tunuartitsisinaanermut ulorianaateqannginnera Naalakkersuisut erseqqissaatigaat.

8.2 Qanigisaasut ajunngitsorsiassanik taarsiivigineqarnissarluk pillugit periarfissaat

Qanigisaasut taarsiivigineqarnissamik ajunngitsorsiassanillu pissarsinissaminnut periarfissaasa misissorneqarnissaat ataatsimiititaliap aamma soqutigaa, aamma angajoqqaat katsorsaaneermut atatillugu taarsiivigineqarnissamik pisinnaatitsisumik ajoqusernikkut qitornaminnik toqusoortut, ilaquuttani qanigisat allat pinnagit, ajunngitsorsiassanik pissarsinissamut periarfissaannut suna tunngaviunersoq paasissallugu soqutigaa. Akissuteqaammi allassimavoq meeqqamik annaasaqarnermi taarsiiffigineqarsinnaaneq qaqutigoortoq, pissutigalugu nammineq akiliutit sinnerlugit aningaasartuuteqartoqarsimatillugu annaasat aningaasatigut naatsorsorneqarsinnaassammata, §15, imm. 2 naapertorlugi, taamaattumillu peqqinnissakkut sullissisup kukkuneratigut ajoquserneq pisimappat ajunngitsorsiassatigut minnerpaamik akiliuteqarnissaq qulakkeerneqarsinnaassasoq.

Taarsiivigineqarnissamik piginnaatitsisumik ajoqusernikkut inuit allat annaanerini (meeqqat pinnagit) qanigisaasut toqusimasoq sinnerlugu naammagittaalliornissamut periarfissaqarnerat, taamaaliornikkullu toqusup pigisaanut taarsiivigineqarneq anguneqarsinnaasoq, Naalakkersuisup erseqqissaatigaa. Tamannattaq tunngavigalugu ajunngitsorsiassat annertussusaat iluarsineqarnissaannut Naalakkersuisut piginnaatinneqarput, taamaaliornermi aningaasat pisariaqartitanut matussuserniarneqartunut naapertuuttunngortikkumallugit.

8.3 Napparsimasut ajoquserillugit taarsiiviginnittarneq

§ 10-mi imm. 4-rami pisinnaatitsineq pillugu itisiliisoqarnissaa ataatsimiititaliap noqqaassutigaa. Aalajangersakkami eqaatsumik sulisoqarnissaa qulakkeerneqartoq, pissutigalugu suliaqarfik iluarsiiiffigineqarusuttoq siammasimmat aammalu katsorsaaneqarfiup pissutsit ajoqusernerillu assigiinngiiaarpasuit pineqarmata.

8.4 Inatsisissatut siunnersuutip peqqinnissaqarfimmi sullissinerup pitsaassusaanut kingunerisinnaasai pitsaasut

Naalakkersuisut akissuteqaatiminni allappaat inatsisissatut siunnersuummi § 3-mi, § 5-imi aamma § 7-imi peqqinnissaqarfiup taassumalu aqutsisuisa peqqinnissaqarfimmi sullissisarnerup pitsaassusaata qaffassarnissaanut periarfissiinissaq qulakkeerneqartoq. Siullertut inummumut sammisitatut naammagittaalliutit ingerlatsinermut naammagittaalliutit suliarineqartartussanngorlugit allannngortinneqassapput, taamaaliornikkullu peqqinnissaqarfimmi aqutsisut pissutsit pitsanngorsarnissaannut pitsaanerusumik

periarfissalissallutik, pissutigalugu naammagittaalliutit sullissinermi sutigut pitsangorsaaniissamut ersersitsilluassammata. Aappaattut naammagittaalliutit pingasuusut tamarmik Nunatta Nakorsaaneqarfianit nakkutilliisussaataasumit tiguneqartassapput, taamaalilluni nakorsaaneqarfik sumi immikkut nakkutilliisoqarnissaa pillugu annertunerusumik ilisimasaqalissaaq. Pingajuattut inatsisitigut aalajangersakkamik oqaloqatigiinnikkut ataatsimiittarnerup atuutilernissaanut periarfissaqalissaaq, oqaloqatigiinnermi napparsimasut illersuisutik ilagisinnaavaat, illersuisut suliani aalajangersimasuni napparsimasullu naapinnerini peqqinnissaqarfiup suliffittut imminut qiviarnissamut arlaqarnerusunik periarfississavaat. Aammattaaq allaqqavoq illersuisoqarnikkut aaqiiissummik pisortatigoortumik pilersitsinissaq pillugu Naalakkersuisut pilersaaruteqanngitsut, taamaattorli tamassuma pisariaqartinneqarnera ingerlaavartumik nalilersorneqartarumaartoq.

8.5 Naammagittaalliornissamut periarfissaqarneq pillugu paasissutissiisussaataaneq kiisalu paasititsiniaaneq

Siunnersuummi § 14, imm. 2 naapertorlugu Naalakkersuisut paasissutissiisussaataaneq pillugu malittarisassanik erseqqinnerusunik aalajangersaanissamut piginnaatinneqarput. Pisariaqartinneqassappat paasissutissiisussaataanerup annertusinissaanut erseqqissarnissaanullu periarfissat aalajangersakkami qulakkeerneqarput. Tamatumani assersuutigalugu pappilissanik tunniussisussaataanerme. Napparsimasut pisinnaatitaaffimmik ilisimanissaannut periarfissaqarnerat pillugu isumalluutit piffissamillu atuinerup oqimaaqatigiissarnissaat aalajangersakkami qulakkeerneqarput. Nalilerneqarpat peqqissaasut imaluunniit nakorsat piffissaat suliassanut allanut atornissaa pitsaanerusoq taamaalilluni paasissutissiisussaataaneq allanut ingerlateqqinneqarsinnaavoq. Nalunaarusiornikkut inatsisip atuutilersinneqarnissaa sioqqullugu paasititsiniaasoqarnissaa Naalakkersuisut ilisimatitsissutigaat.

8.6 Suliap suliarineqarneranut piffissaq atorneqartartoq aamma ilitsersuinerit

Suliamik suliarinnittarnermi piffissamik atuneq sullissinermit naammagittaalliutit atorneqartassaaq, § 9, naammagittaalliutit tiguneqarneraniit naatsorsorlugu qaammatinut pingasunut aalajangersarneqarpoq. Naammagittaalliornissamut ilitsersuut Sullissivimmi takuneqarsinnaavoq. Ataatsimiititaliamit naatsorsuutigineqarpoq naammagittaalliutit pingasuusunut tamanut naammagittaalliornissamut ilitsersuuteqarnissaa.

8.7 Suliap suliarineqarnissaanut peqataasinnaaneq

Sulianik suliarinnittarnermi peqataasinnaanerup qulakkeerneqartarnissaata pingaaruteqarnera Naalakkersuisut akissuteqaatiminni oqaatigaat. Naammagittaalliutit suliarinnittarneq aalajangiisarnerlu Danmarkimi ingerlanneqartarmata napparsimasut inatsisitigut illersugaaneri qulakkeerneqarsimasut Naalakkersuisut naliliipput, taamaattumik soqutigisaqarfiit qaleriiaannaviannngillat. Aammattaaq § 9 naapertorlugu sullissinikkut

naammagittaalliummik tigusaqartoqartillugu naammagittaalliuutip katsorsaaneq pillugu naammagittaalliuutit imaluunniit taarsiivigineqarnissamik naammagittaalliuutit allanngortinneqassanersoq naliliivigissallugu Nunatta Nakorsaaneqarfia periarfissaqalissaaq.

8.8 Peqqinnissakkut namminersortutut ingerlatallit

Napparsimasut peqqinnissakkut namminersortutut ingerlatallit katsorsarneqartartut (uani peqqinnissakkut suliaqarneq peqqinnissakkut ilinniarsimasumit ingerlanneqartoq pineqarpat, § 2, imm. 2 aamma 3 naapertorlugit), naammagittaalliornissamut aamma taarsiivigineqarnissamut pisinnaatitaassapput. Namminersortutut ingerlatallit amerlasuut peqqissaanermut peqqissartornermullu anguniagaqartuusarmata sullissineq ingerlanneqartoq aalajangersimasoq naliliiviginera tunngavigalugu aalajangersaasoqartassaaq. Kapitali tamanna pillugu § 24-imi taarsiiviginninneq sillimmasiisarfikkut sillimmateqarnermit matussuserneqarnissaanut Naalakkersuisut malittarisassiornissaminnut pisinnaatinneqarput. Tamatumani isumaqarpoq oqartussaasut tamarmik taarsiiviginnittussaataasut sillimmasiinikkut isumaqatigiissummik peqarnissaannik Naalakkersuisut malittarisassiorsinnaasut. Inatsisissatut siunnersuummi matumani sillimmasiisussaataasoqanngilaq, pissutigalugu maannarpiaq suliaasaqarfiit inuilluunniit taamaattut siunnersuummi pineqartut pillugit sillimasiinissamut isumaqatigiissusiorsinnaanissaat qulakkeerneqarsinnaanngimmat.

8.9 Meeqqat pillugit oqaaseqartartumit innersuussutit

Meeqqat pillugit oqaaseqartartup meeqqat pillugit naammagittaalliorsinnaanermut aamma taarsiivigineqarsinnaanermut innersuussutai ataatsimiititaliap pingaaruteqarluinnartut isumaqarfigai, aamma Meeqqat isumaqatigiissutaanni allaaserisaq immikkoortorta q 24, meeqqat peqqinnissaqarnikkut ikiuutininik arlalinnik pisinnaatitaaffeqarnerisa naapertorneqarnissaa aamma peqqinnissaqarfiup meeqqanik meeqqallu angajoqqaavinik ulluinnarni sullissinerani sammivinnik tikkuussinera ataatsimiititaliap tapersorsorpaa.

9. Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassai siunnersuummut nalinginnaasumik oqaasertaliussani allaaserineqarput.

Tassani allaqqavoq naammagittaalliortarnermut allattoqarfimmik pilersitsisoqassappat pilersitsinermi aningaasartuutit 600.000 kr.-iunissaat naatsorsuutigineqartoq.

Naammagittaalliornikkut suliat pillugit ukiumut 7 mio. kr.-inik aningaasartuuteqartarnissaaq naatsorsuutigineqarpoq, taakkualu 2024-imut Aningaasanut inatsimmut ukiunullu missingersuusiorfiusunut ilanngunneqarput. Allaffissornikkut sulianillu suliarinninnermut aningaasartuutaasussat ilanngunneqanngillat.

Siunnersuummi § 23 naapertorlugu peqqinnissaqarfimmi pisortanit ingerlanneqartumi katsorsarneqarnerup kingorna ajoqusernermi aamma pisortat oqartussaaffiini allani katsorsarneqarnerup kingorna ajoqusernermi, Naalakkersuisut akisussaaffeqarfiisa ataanniittuni taarsiiviginninnermut aningaasartuutit Naalakkersuisut akilertassavaat. Kommunit suliffeqarfiutaanni katsorsarneqarnerup kingorna ajoqusernermi taarsiiviginninnermut aningaasartuutit kommunit akilertassavaat.

Meeqqat toqukkat qimagussimasut angajoqqaavinut ajunngitsorsiassanut aningaasartuutaasussat annertunissaat ilimagineqanngilaq. Soorunami aningaasartuutaasussaq siumut qulakkeereerneqarsinnaanngilaq, ukiumulli pisoq ataaseq sinnerlugu pisoqartarnissaa naatsorsuutigineqanngilaq.

Inuussutissarsiortunut tunngatillugu suliassanik sularinninnermut peqataaneq taarsiiviginninnerusinnaasunullu aningaasartuuteqarneq eqqarsaatigalugit allaffissornerulernermik aningaasartuuteqarnerulernermillu siunnersuut kinguneqarsinnaavoq. Suliffeqarfiit namminersortut taarsiiviginninnissamat matussusiisinnaasunik sillimmasernissamat **pisussaaffilerneqanngillat**, Naalakkersuisulli tamanna pillugu malittarisassiornissamat piginnaatinneqarlutik.


10 . Ataatsimiititaliap inassuteqaatai

- Naalakkersuisut aappassaaneerinninnissamat allannguutissatut siunnersuummik ulloq 24. september tiguneqartumik saqqummiussimmata ataatsimiititaliamit oqaatigineqassaaq. Inatsisissatut siunnersuutip kalaallisoortaata danskisuuatalu imminnut naapertuunnerat allannguutissatut siunnersuutikkut qulakkeerneqarpoq. Taamaattumillu ataatsimiititaliami amerlanerussuteqartut Inuit Ataqatigiinneersut, Siumumeersut Demokraatineersullu siunnersuut aammalu allannguutissatut siunnersuut akuerineqassasut inassutigaat.


11. Ataatsimiititaliap Naalakkersuisunut kaammattuttai

- Meeqqat Illersuisuinit kaammattuutit inatsit piviusunngortinniarlugu suliap nangingneqarnerani ilanngunneqarnissaannik Naalakkersuisut ataatsimiititaliamit sakkortuunerpaamik kaammattorneqarput
- Innuttaasunut napparsimasunullu taarsiissutissat annertussusissaannik aalajangersaasarneq pillugu maleruagassat periutsillu aammalu minnerunngitsumik ingerlatsinerit sorliit danskit oqartussaaffiisa ataanniinnerisa erseqqissaatigineqarnissaannik aammalu naammagittaalliuteqarnissamat sukumiisumik ilitsersuuteqarnissamik Naalakkersuisut ataatsimiititaliamit kaammattorneqarput

Taamatut oqaaseqarluni isumaliuutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.



Mala Høy Kuko
Siulittaasoq



Anna Wangenheim
Siulittaasup tullia




Doris J. Jensen




Dines Mikaelson



Mikivuk Thomassen



Edvard Nielsen Aronsen



Hans Enoksen



Meeqqat tamarmik naleqarput

Alle børn er værdifulde

All children are valuable

Kalaallit Nunaanni meeqqat Peqqinnissaqarnikkut suliamik sammivilimmik pineqartarnerisa misissornerat

Innersuussutaasut

Allagaatinik takunnissinnaatitaanermik MIO misilittakkatut katersorsimasai, Kalaallit Nunaanni angalalluni pulaartarnerit, MIO´mut saaffiginnissutit toqqaannartut tunulequtaralugit, makkua innersuussutigalugit siunnersuutiginneqarput:

- Meeqqat peqqinnissaqarfimmiit nukittorsarneqarnissaat, meeqqap nammineq paasinnittaasia najoqqutaralugu napparsimaviit nalunaarsuiffiini ersersinneqarluni
- Malugeqqullugu meeqqanik misissuisoqartillugu piffissatigut innersuussutigineqartut najoqqutarineqartut iluani ingerlateqqullugit.
- Meeqqat peqqinnissaqarfimmi naligiimmik suliaritinnissaat qulakkeerumallugu nakorsaqaarnikkut piginnaasat aqqutigalugit qulakkeerneqarnissaat (pædiater)
- Meeqqanut illoqarfiit avataaniittunut peqqinnissaqarnikkut neqeroorutaasut misissorneqarnissaat
- Napparsimasut inatsisitigut innarlitsaalisaanissaat kukkusumik suliaritissimanermi taarsiivigitinnissaq anguneqassasoq inatsisit nutarterneqarnerisigut
- Napparsimasut inatsisitigut innarlitsaalisaanissaat napparsimasutut naammagittaalliornissami tikikkuminartumik ajornanngitsumillu aaqjissuussinikkut
- Napparsimasut inatsisitigut innarlitsaalisaanissaat naammagittaalliornissamik oqitsunnguamik takujuminartumillu periarfissiinikkut
- Peqqinnissaqarfimmi katsorsaasoqartillugu napparsimasut, peqqinnissaqarfimmilu sulisut, inatsisitigut innarlitsaalisaanissaat katsorsaanermik ilitsersuutit inuiaqatigiinnut tamanut saqqummersitat, nutartikkallu
- Nalunaarsuisussaataaneq ukkatarineqarnerunissaa anguniassallugu, taamaalilluni napparsimasup nalunaarsuivii katsorsaanermik eqqortumik assiliartaliinissaa



Meeqqat tamarmik naleqarput

Alle børn er værdifulde

All children are valuable

anguneqassammat, tamatumani ilanngullugu meeqqap paasinnittaasia nalunaarsuinermi qulakkeereerlugu ilanngunneqarnissaa

Tunulequtaa

Oqaaseqaatip siunertaa tassaavoq meeqqat peqqinnissamik pisinnaatitaaffiata kingunerisartagaata nalilersorluarneqarnissaa, tamatumani kanngunarsaaneq pisimappat ilanngullugu, meeqqat peqqinnissamik pisinnaatitaaffia, ilisimasat tunulequtaasut allagaatinik takunnissinnaatitaanermi paasisat, suliassat meeqqanut tunngasut arlallit peqqinnissaqarfiup iluani pisimasut najoqqutaallutik. Ilisimasat paasissutissanik pisut aallaavigalugit, innersuussutaasunik arlalinnik sananikkut peqqinnissaqarfiup iluani iliuuserisinnaasanik nassaarsiortoqarnissaa, meeqqat pisinnaatitaaffiik annertunerpaamik peqqinnissaqarnikkut meeqqallu peqqinnissaqarfiup iluani neqeroorutaasunik pissarsinermi siuarsaaqataasinnaallutik anguneqarnissaat. Suliassatut katersukkat Naalagaaffiit Peqatigiit Meeqqat Pisinnaatitaaffiik isumaqatigiissutaat najoqqutaralugit nalilersorneqassapput aamma Kalaallit Nunaanni peqqinnissaqarnikkut inatsisiliorneq meeqqat pisinnaatitaaffiitut naapertuuttuunersut takuniassallugu.

MIO ukiuni tulleriiaani Kalaallit Nunaanni Peqqinnissaqarneq malittarisimavaa. Tamanna aallarniutaasumik pisimavoq Meeqqat Illersuisuat Nunatsinni angalanermi pulaarternatigut, angajoqqaat uppersaallutik peqqinnissaqarfimmik misigisarsimasaminnik tunniussisarsimapput. Meeqqat Illersuisuat aamma Peqqinnissaqarfimmi suliaqartunik ataatsimeeqateqartarsimavoq meeqqanut katsorsaanerme aaqquissuussineq immikkut ukkatarinerullugu. Suliniutit tamakua kingunerisaannik Meeqqat Illersuisuat suliassani toqqakkani aalajangersimasuni allattaavinnik aallersimavoq katsorsaanermik ingerlaatsit aqutugalugit qanorpiq isikkoqarnersut nassuiaatissaqartikkumallugit.

MIO ingerlaavartumik angajoqqaanik oqaloqateqartuaannarpoq, peqqinnissaqarfimmik naapinneqarnerluttartunik, aamma peqqinnissaqarfimmit ima annertutigisumik sumiginnaaganermik misigisimasut, allaat system'iusumut tatiginnikkunnaarsimasunik. Angajoqqaat arlallit ima ilungersunartigisumik sumiginnaallutik misigisaqarsimapput, meqqaminnut allaat ajorluinnartumik kinguneqartarsimalluni. MIO ilaatigut angajoqqaanik oqaloqatiginnissimapput, upernaq manna meeqqaminnik annasaqarsimasunik meerartik naliginnaasumik pilatsimmat, meeqqap toqqusaavata qinersii peerneqarnerisa kingunerisaannik.



Meeqqat tamarmik naleqarput

Allé børn er værdifulde

All children are valuable

Meeqqap pilanneqarnerani sorlummi naanernik aamma piiasimapput naak angajoqqaavisa tamanna akuersissutigisimangikkaat, angajoqqaajusullu pisimasup ingerlanerani tamakkiisumik misigisimapput peqqinnissaqarfimmiit attavigineqaratik oqaloqatigineqaratillu. Niviarsiaaraq pilatsereernerup kingorna angerlasimaffimmini sanngiilliartuinnavissimavoq, kisianni angajoqqaavi napparsimavissuarmiit arlaleriarlutik paasitinneqaqattaarsimapput tamanna naliginnaasoq, meerarlu takusaqarianngitsoq naak aattalimmik meriaraluartoq. Sulilunniit sapaatip akunnera qaangiutinngitsoq meeraq aanaatoorluni toquvoq. Meeraq aanaatoorluni toquvoq peqqinnissaqarfimmi sulisunit takusarneqarani naak angajoqqaat arlaleriarlutik ullualuit toqunissaa sioqqullugu napparsimaviup ajutoortunut saaffiginnittarfianut attaviginnittaraluarlutik, naak ataataasoq erseqqivissumik peqqinnissaqarfium sulisuinut oqaluttuareqqissaartarsimagaa, meeraq annertooujussuarmik aanaatoortoq. Nakorsat akunneq sinnerlugu misiliillutik meeraq uummarsaraluarsimavaat, taamaalineranilu meeqqap aavata procentia misissorsimavaat, sunaaffami 1 %-iinnarmut apparsimasoq. Angajoqqaat pisimasup ingerlarnani misigiuannarsimapput, tusarnaarneqarsimanatik, aamma angajoqqaat MIO´mik oqaloqatiginninnerisa nalaani peqqinnissaqarfimmut pakatsisimaqaat, aliasunnermik, susinnaajunnaarnermik tatiginnikkunnaarnermillu annertuumik misigisimallutik. Angajoqqaat misigisimapput tusarnaarneqaratik, misigisimapput suliassami pineqartumi peqqinnissaqarfik kukkunitik akisussaaffigiumangikkaat, MIO´lu naliliivoq, peqqinnissaqarfimmut ataveqarnermi suliassa q meeqqap tungaaniit isigalugu suliarineqarsimanngiivissoq.

Soorlu uani kingusinnerusukkut notat´liami pisimasut oqaluttuarineqarneri takuneqarsinnaasut, qulaani meeqqap inuunerannik naleqartumik pisimasoq immikkut ittumik pisimanngilaq. Suliassa q assersuutaannaavoq MIO´p angajoqqaanit paasissutissinneqartarnera naapertorlugu pakatsinerpassuit, tamarmik uppernarsaasut meeqqap peqqinnissamik pisinnaatitaaffianik qanoq ilungersunartigisumik pisoqartarneranik. Ilisimasat, MIO´mit allagaatinik takunnissinnaatitaaneq atorlugu paasisai ataatigut titarlugu takutippaa meeqqap peqqinnissamik pisinnaatitaaffii unioqputinneqartarsimanerini.

Allagaatinik takunnissinnaaneq periuseralugu suliniarnerup tunulequtaa tassaavoq kissaatigineqarmat periusissanik nutaanik inerisaasoqarusummat Naalagaaffiit Peqatigiit Meeqqat Pisinnaatitaaffiinik eqqortinnissaat siunertaralugu. Ilanngullugu aamma nalunaarusianik innersuussutinillu aamma inerisaasoqarniarpoq, taakkualu tunngavii tassaallutik ilisimasat allagaatinik takunnissinnaaneq tunngavigalugu pissarsiat. Allagaatinik takunnissinnaaneq atorneuleriartuaarlugit suliaqarnermi aamma MIO periarfissaqalerpoq meeqqat pisinnaatitaaffiinik unioqputitsinermi tikkuartuisinnaanini, ilisimasatut tunngavissani tassaallutik meeqqanut suliassaataasut ernumanartut. Allagaatinik takunnissinnaanermik annertunerusumik



Meeqqat tamarmik naleqarput
Alle børn er værdifulde
All children are valuable

ukkarinninnerup saniatigut MIO aamma periusissanik inerisaaniarpoq inatsisiliornikkut tunngaviliilluni nakkutiginninneq aqqutigalugu.

MIO arajutsisimangilaa, Nunatsinni Nakorsaaneqarfiup qullersaqarfia Naalackersuisullu september 2022-mi misissuisimaneq 'Peqqinnissakkut sullinneqarneq pillugu maalaarutit 2017-2021'saqqummersippaa. Misissuinermi tunngavilerneqarportaaq MIO'p misilittagaattut paasisimasai peqqinnissaqarfik pillugu attaveqaqatigiinnermut tunngasut, nappaammik suussusersiortaatsimut tunngasut aamma napparsimasut tusaaneqaratik misigisarsimanerannut tunngasut. Misissuisimaneq meeqqat immikkut ukkarinnigilaat. Peqqinnissaqarfimmi meeqqat immikkut ittumik sumiginnaanermik isumassugassaammata, s.a. meeqqat nukanganerusut angajoqqaatik pinngitsoorsinnaanngimmassuk, peqqinnissaqarfimmi taakkununga immikkut ukkarinninnissaq pisariaqarpoq.

Meeqqat isumaqatigiissutaanni peqqinnissaqarnikkut pisinnaatitaaffinnut piumasaqaataasut

Naalagaaffiit Peqatigiit Meeqqanut Isumaqaatigiissutaat pinngitsuugaqanngitsumik tulleriinnik tunngaviusunillu pisinnaatitaaffinnik tunngaviliivoq. Kalaallit Nunaat Meeqqat Isumaqaatigiissutaat 1993-mi atortussanngortippaa, imatullu isumaqarpoq, Nunarput imminut pisussaaffiliisimasoq isumatigiissummi allaaserineqartut naapertorlugit eqquutitsiniaassalluni qulakkeerniassallugulu isumaqaatigiissut piviusunngortinneqassasoq. Isumaqaatigiissutip allaaserisaani 24-mi pisinnaatitaaffiit arlallit takuneqarsinnaapput, tassalu meeqqat peqqinnissaqarnikkut ikiuutinik arlalinnik pisinnaatitaaffeqartut. Aalajangersagaq ilaatigut imatut oqaasertaqarpoq:

Allaaserisaa immikkoortortaq 24

1. Naalagaaffiit Peqatigiit peqataasut meeqqap pisinnaatitaaffia akuersaarpaat, tassaasoq peqqinnissaqarnikkut qaffasinnerpaamik tunniunneqarsinnaasoq ilorrisimaarutigissagaa, napparsimatilluni katsorsagaasinnaasoq peqqissutsinilu atulereqqissinnaallugu. Naalagaaffiit peqataasut qulakkeerumallugu anguniassavaat, meeraq kinaluunniit qaqugukkulluunniit katsorsartinnissamik isumassorneqarnissamillu arsaagaanngisaannassasoq.

2. Naalagaaffiit Peqatigiit peqataasut tamakkiisumik piviusunngortinnissaa suliniutigissavaat makkualu immikkut ittumik sianigalugit qanoq iliornissamut piareersaasiorlugit:



Meeqqat tamarmik naleqarput

All children are valuable

All children are valuable

(a) naalungiarsunnik meeqqanillu toqusoqartarneq millisarniassallugit;

(b) Qulakkeerniassallugu pisariaqartumik nakorsaqaarnikkut katsorsagaasinnaaneq peqqinnissakkullu isumassorneqarsinnaaneq meeqqanut tamanut atuuttumik immikkut ittumik pingaartillugu naalungiarsunnik paaqqinninneq inerisarneqassasoq;

(c) Nappaatit naammatsillunilu nerisannginneq akiussallugit, tamatumani pingaarnerusumik peqqinnissamik isumassuinerup sinaakkutissaata iluani, ilaatigut teknologi ajornanngitsumik pissarsiarineqarsinnaasoq atorlugu aamma naammattumik inuussutissaqarluartumillu nerisaqaarnikkut imermillu minguitsumik imigaqaarnikkut avatangiisinik mingutsitsinermut tunngasutigut navianarsinnaallutillu ulorianarsinnaasut paaralugit;

(d) Arnat naleqquttumik naartunerat erninermilu isumassorneqarnerat qulakkeernissaat;

(e) Qulakkiissallugu kikkulluunniit inuiaqatigiinni, minnerunngitsumik angajoqqaat meeqqallu, paasissutissinneqartarnissaat aamma atuartinneqarnissaminnut periarfissinneqarnissaat meeqqat peqqinnissaat inuussutissalerinermilu ilisimasanik tunngaviusunik atuinissaminnik tapersorneqarnissaat, meeraaqqamut milutsitsinerup pitsaaqutai, avatangiisini eqqiluisaarneq asaanerlu pisariaqassusaa ajutoornaveersaarnissamillu pinaveersaartitsineq;

(f) pinaveersaartitsinissamik naalungiarsunnik paaqqinninnermik inerisaaneq, angajoqqaanik siunnersuineq, kiisalu ilaqutariittut pilersaarusionerme atuartitsineq ikiuinerlu.

Allaaserisami takuneqarsinnaasutut Nunarput pisussaaffeqarpoq qulakkeerniassallugu peqqinnissamik inissisimaneq qaffasinnerpaatut anguneqarsinnaasoq, napparsimanerme katsorsartinnissamik akuerisaaneq aamma peqqissinissamik iluarseqqinneq, qulakkeerneqassasoq meeqqanut tamanut pisariaqartitsinikkut nakorsaqaartitaanissaq ikiorserneqarsinnaanerlu immikkut pingaartitalugu peqqinnissaqaarnikkut isumassorneqarnerme inerisaasoqarnissaa.

Tassunga tunngatillugu pingaarutalik tassaavoq eqqaamassallugu, pisussaaffeqarneq tassaaginangimmat inatsisitigut naligiisitaaneq, kisianni aamma qulakkeerniassallugu meeqqanut peqqinnissaqaarnikkut ikiuutit tamanut tikikkuminartuussasut atorumarlutik.

Tamanna tigussaasumik isigalugu imatut paasineqassaaq, nakorsaqaarnikkut ilisimasanik pikkorissusilinnit nakorsaatinillu ikiorserneqarsinnaanermik atuisinnaatitaaneq tamanut ammassasoq. Tamanna soorunami aamma avinngarusimasunut atuutsinneqassasoq.



Meeqqat tamarmik naleqarput

Alle børn er værdifulde

All children are valuable

Kalaallit Nunaanni inatsisiliorneq

Peqqinnissaqarnikkut ikiorserneqarsinnaatitaaneq malittarisassat assigiingitsut malillugit aqunneqarput. Ataatingaani nassuiaasersorneq taamaallaat Kalaallit Nunaanni inatsisitigut malittarisassiornermi atuutsinneqarput, meeqqat peqqinnissarnikkut ikiorserneqarsinnaanerit immikkut ukkataralugit. Taamaalilluni tassani pineqangilaq s.a. apeqqut paasisutissiilluni akuersinermut tunngasoq.

Inatsisartut peqqussutaata peqqissaaneq pillugu pissarsiarineqarsinnaasut il.il. 1997-meersuuvoq¹ taannalu kingusinnerusukkut 2004-mi allanngortinneqarsimavoq. Inatsisartut peqqussutaani sammeneqarpoq innuttaasut, tamatumani ilanngullugit meeqqat Nunatsinnit peqqinnissaqarnikkut sunik pisinnaatitaaffeqarnerisut.

Inatsisartut peqqussutaa 2004-mi allanngortinneqarpoq², taamalilluni periarfissaqalerluni inatsisitigut malittarisassanik aalajangersaasoqarsinnaanngorluni meeqqanut peqqissaaneq pillugu.

Piginnaatitaaneq aqutissiorneqarpoq Meeqqat peqqissusaannik misissuisarnerit meeqperisumiillu misissorneqartarnerat pillugit Namminersornerullutik Oqartussat nalunaarut nr. 4, 14. februar 2005-imeersoq aqutigalugu³.

Peqqinnissaqarfiup neqeroorutai qulaaniit isigalugu siunertaasoq eqqarsaatigalugu peqqissummi § 1-mi takuneqarsinnaavoq, taamaalilluni pingaarnepaattut suliassat tassaapput: 1) Innuttaasut peqqissusaat siuarsassallugit, 2) pinaveersaartitsineq aamma 3) misissussallugu, paaqqutaralugit inuillu nappaatillit katsorsarlugit napparsimasutut inissisimatillugit.

Peqqinnissaqarfik ilanngullugu peqqussummi § 1, imm. 2 malillugu, peqqinnissaqarfiup neqeroorutigisartagai sapinngisamik tamanut naligiimmik tunniuttussaavai innuttaasoq sumiluunniit najugaqaralarpat.

¹https://nalunaarutit.gl/Groenlandsk-lovgivning/1997/ltf-15-1997?sc_lang=kl-GL

² https://nalunaarutit.gl/Groenlandsk-lovgivning/2004/ltf-12-2004?sc_lang=kl-GL

³ https://nalunaarutit.gl/Groenlandsk-lovgivning/2005/bkg-04-2005?sc_lang=kl-GL



Meeqqat tamarmik naleqarput

Alle børn er værdifulde

All children are valuable

Meeqqat immikkut eqqarsaatigalugit peqqussummi §10' mi aalajangersorneqarpoq meeqqat 18-it inorlugit ukiullit pisinnaatitaaffigaat pinaveersaarutaasumik peqqissutsimik misissortissinnaammata. Taamatuttaaq meeqqat suli atualernissamik ukiumikkut inuuttut akeqanngitsumik meeqqanut peqqissutsikkut paaqqinninnermik neqeroorfigineqartussaammata Peqqussutip § 10 imm. 2).

Meeqqanut peqqissutsikkut paaqqinninnermik sinaakkutit aalajangersorneqarput Meeqqat peqqissusaannik misissuisarnerit meeqerisumillu misissorneqartarnerat pillugit Namminnersonerullutik Oqartussat nalunaarutaanni nr. 4, februarip 14-ani 2005. Uani kisianni immikkut ersarissarneqassaaq peqqussummi § 10, imm. 2, nr. 1 aamma 2 aalajangersormassuk, meeqerisumik misissortinneq meeqqanut suli atualinngitsunut naliginnaasumik peqqissutsimut ilitseruinerussammat angajoqqaanut, ilanngullugu napparsimanissamik pinaveersaartitsinnermik aamma peqqinnissamik siursaataasinnaasumik iliuusissat pillugit paasissutissiineq, aamma meeqqap peqqissusaannik alapernaarsuineq.

Peqqussummi § 10-mi piumasarineqartut siunertarineqartumut piumasaqaataasunut ataqatigiissillugit takuneqassapput pinaveersaartitsinnermik siunertaqarmat.

Ataani piviusunik katersilluni misissukkat oqaluttuarineqassapput, tassungalu tunngatillugu naleqquppoq ukkatarissallugu inatsisikkut piumasaqaataasut, tassaasoq katsorsaaneq pinaveersaartitsinnermik siunertaqassasoq, peqqissinartuunera soorunami ilanngullugu, aammalu immikkut pisussaaffeqarnermik suliassaq tassaasoq meeqqat meeqerisumit isumassorneqarnissaat.

Nunatsinni peqqinnissaqarnikkut inatsisaasut eqqartuussinikkut malitasaanerat paasiniarnerani, naliginnaasimavoq paasiniassallugu, pisortatigoortumik peqqinnissaqarfiup iluani ilitseruinerit takusariaanersut.

Nittartakkami www.lovgivning.gl allagarsiussanik ikkussuilluni aamma nakorsaanerup nittartagaani www.nun.gl, pisortatigoortunik tamanut ilitseruutit meeqqanut tunngasunik nassaarsinnaasimangilagut.

Ukiuni makkunani peqqinnissaqarfiup iluani sulisunik aatsaat taamak sukkatigisumik kaaviaartitsisoqaruttortoq aalajangiisuusinnaavoq, sulisuusut ilitseruutit ajornanngitsumik pissarsinnaanerit, soorlu paasissutissiissutigissallugu meeqqap peqqissusaa eqqarsaatigalugu,



Meeqqat tamarmik naleqarput

Alle børn er værdifulde

All children are valuable

qaqugukkut nakorsamit takusariaqarnerseq imaluunniit nuna tamakkerlugu napparsimavissuarmut Nuummiittumut qimagussortinneqartariaqartoq. Peqqinnissaq pillugu Ataatsimiitaliarsuup isumaliutissiissutaa maj 2023-meersoq malillugu takuneqarsinnaavoq, ukiut ataasiakkaat nikinnerini sulisorpassuaqartartoq nikerartunik. Ukioq 2010-miit 2011-mut taamaalilluni nakorsat aalajangersimasumik atorfeqartut (fastansatte læger) 20%-ii nuussimapput aammalu niviersiat aalajangersimasumik atorfillit 15%-ii nuussimallutik. Kisitsisit ukiumut 2019-mut aamma ukiumut 2020-moortut 26 aamma 27 %-iupput. Piffissami pineqartumi ukiumiit ukiumut takuneqarsinnaavoq annertungaatsiartumik kisitsisitigut nikingasoqaqataartoq. Isumaliutissiissummi qupperneq 140ff takujuk.

Pisimasut ataasiakkaat misissorneri (Cases)

MIO angajoqqaanik suleqateqarluni akuersitillugillu, suliassani aalajangersimasuni tullerriaartuni meeqqat sag-iutaanni peqqinnermik paasisutissanik kopi-nik aallertarsimavoq. Siunertaa tassaasimavoq pisimasut qaammarsaavigissallugit, nalorninartoqartillugu ilumut katsorsaaneq eqqortoq pilersimanersoq piffissaagallartillugu, tamatumanilu Meeqqat Isumaqaatigiissutaata peqqinnissaqarnikkut ilinniarsimassutsikkut suliamullu piumasaqaataasut malillugit ingerlanneqartarsimanersut meeqqat katsorsarnerini, aamma nuna tamakkerlugu inatsisaasut piumasaqaataasut peqqinnissaqarnikkut pinaveersaartitsinermik piumasaqaataasut malinneqarsimanersut. MIO angajoqqaanik oqaloqateqarpoq, meerartatik peqqinnissaqarfinni katsorsarneqartillugit qanoq pineqarsimanerannik pakatsisimasunik.

Meeqqat peqqinnissakkut suliaqarnermi peqqinnissaqarfimmi katsorsagaaneranni qanoq pineqarsimanerannut naleqqiullugu qiviatsiarutsigu, naleqqussimassaaq maalaarutaasinnaasutut periarfissat sivikitsunnguamik uniffigitsiassallugit.

Tassunga tunngatillugu eqqaamaneqassaaq, meeqqat mikinerumaat angajoqqaatik pinngitsoorsinnaanngikkaat maalaarutunik tunniussissappata.

Peqqinnissaqarnikkut suliamik katsorsagaaneq maalaarutigineqassappat taava nakorsaaneqarfik aqutigisariaqarpoq kiisalu aamma 'Styrelsen for Patientklager i Danmark' kiisalu aamma 'Sundhedsvæsenets Disciplinærnævn' Danmark-imiittoq.



Meeqqat tamarmik naleqarput

Alle børn er værdifulde

All children are valuable

Katsorsartissimanermut taarsiivigitinnissamut apeqqutit Naalakkersuisuni allaffissornikkut suliarineqartarput. MIO'p uparuarpa, napparsimasunut taarsiivigitinnissamik inatsisissamik siunnersuummik inatsisitigut tunngaveqarluartumik sulii aalajangersaasoqarsimangimmat.

Maalaartoqartillugu qanoq annertutigisumik immikkut ittumik maalaartoqartarsimansoq, katsorsartinnermi meeqqanik akuusoqartillugu, imaluunniit meeqqat kukkusumik katsorsartissimasut qanoq annertutigisumik taarsiivigitittarsimansut.

Pisimasut ataasiakkaat misissorneri sapinngisamik annertunerpaamik kinaassutsimik isertugaatinneqarput angajoqqaajusullu akuersineratigut ingerlateqqinneqartarlutik.

Misilittakkat ataatsimoorussat pisimasunik ataasiakkaanik katersuinermi pissarsiat tassaapput, angajoqqaajusut arlaleriarlutik peqqinnissaqarfimmut saaffiginnittarsimammata, misigisimanatillu, ernumassutitik ilungersunartumik tiguneqartartut. Ataatsimoortumik misilittakkat aamma tassaapput meeqqat inuusuttullu nakorsaat (pædiater) misissuinermi atorneqartannginneri, imaluunniit meeraq naligiimmik nakorsamit misissortinnissami meeqqat nakorsaat sivisuumik utaqqisariaqarsimallugu.

Case 1 – Pisimasut ataasiakkaat misissorneri eksem/allergi pasittanneqarpoq

Meeraq inunngorpoq juli 2021. Meeraq inunngornermi naliginnaavoq, kisianni novemberimi 2021-mit napparsimavimmut innartitaavoq pasineqarluni RS virus-eqalersimasoq. Napparsimavimmut innartitaanerani allattuivikkut allanneqarpoq, uluai illugiimmik aappalupput amialu panerluni. Meeraq novemberip aallartisimalaanerani napparsimavimmiit angerlartitaavoq. Decembarimi 2021-mi angajoqqaajusut peqqinnissaqarfimmut saaffiginneqqipput. Meeraq seerisumik amerluppoq niaquatalu qungasiatalu amia panertorujussuavoq. Sunniuteqanngitsumik tarnut nakorsaatississutigaa sunniuteqanngitsoortumillu. Tarnut nakorsaatissississutigineqartoq sunniuteqanngimmat saaffinipput sapigaqarnertut qisuariarmat. Nalunaarsuivik najoqqutaralugu takuneqarsinnaavoq, meeraq taamatut ukiulik naliginnaasumik sapigaqartutut nalilersorneqarsinnaanngitsoq amerlasuutigullu alliatornerminni katakkiartuaarsinnaagaa.

Pisimasumi takutinneqarpoq, angajoqqaajusut arlaleriarlutik peqqinnissaqarfimmut saaffiginnittaraluartut ernumaleriartuinnarlutik, tassalumi allattuivimmi allattorneqarsimasut naapertorlugit angajoqqaajusut ernumanerat ilungersunartumik ersersinneqarani.



Meeqqat tamarmik naleqarput

Alle børn er værdifulde

All children are valuable

Case 2 – kissarululluni noqarneq

Meeraq inunngortoq juni 2021. Meeraq inunngornermini naliginnaavoq. Angajoqqaajusut oktober 2021-mi siullerpaamik peqqinnissaqarfimmut saaffiginnipput meeraq sapaatip akunnera sinnerlugu nuassimammat. Ullut sisamat qanngiunnerini meeraq suli nuappoq. November-ip qeqqani ullut qulit nuassimalerpoq annertuumik quersortarluni. Napparsimavimmi allattaaviit malillugit takuneqarsinnaavoq, meeraq qingaata sigguisa nalaanni tungujortittartoq, meeraq suli nakorsiararfimmiitillugu. Ullut qulit qaangiummata suli kissarulussinnarpoq. November 2021 naalluinnalersoq ernumallutik saaffiginneqqaarput kissarululluni noqartalermat. Angajoqqaajusut pisimasup kingorna arlaleriarlutik peqqinnissaqarfimmut saaffiginnittarsimagaluarput meeraq noqarmat. Angajoqqaat kissaatigivaat meerartik sukumiisumik misissortissasoq, kisianni naliiisoqarsimavoq kissarululluni noqarneq naliginnaasuusoq, naak pisumi uani sakkortunerulaartut, taamaattoq misissoqqissallugu pisariaqarsorineqarsimangilaq. Juni 2023-mi meeraq ingerlaqqittumik suli kissarululluni noqartarpoq annertunerusumillu misissorneqarani.

Meeqqap massakkorpiaq qanoq innera ilisimaneqanngilaq. Kisianni case una takutilluarpaq angajoqqaajusut arlaleriarlutik saaffiginnittarluartik susoqarneq ajortoq.

Case 3 – meeraq eksemertoq

Meeraq december 2018-mi inunngorsimavoq. Meeraq inunngornermini naliginnaavoq. Sapaatit akunnerit tallimanngorneratigut meeqqap misissortinnissaa aatsaat februar 2019-mi ingerlanneqalerpoq. Misissuinnermut atatillugu niaquani aappalorujuttumik annillattoqarsimasoq takuneqarpoq kiinaatigut aamma niaqqup tungaani. Aprilimi 2019-mi angajoqqaajusut peqqinnissaqarfimmut saaffiginnipput, anillannerit ineriartupiloorsimmamata. Assit Nuummur dermatolog-mut nassiuunneqarput. Meeqqap qanoq-issusaa ajortippoq meerarlu nunaqarfimmut nakorsamit angalasoqartillugu tikinneqarmat takuneqarpoq, pilersaarusiortoqalerporlu katsorsartinnissaanut, ukiorlu ataaseq qanngiuppat nakorsap tikeraaqqinnerani takuneqassasoq. Januar 2020 tikillugu arlaleriarlutik peqqinnissaqarfimmut attaveqartarput. Januarimi 2020-mi eqqarsaatigineqalerpoq meeraq sukumiinerusumik immaqa misissortittariaqarnerasoq. Ilanngullugu paasineqarpoq nakorsaatit atugassai nunaqarfimmi tassani pissarsiassaangitsut qulimiguulimmik tikinneqartannginnera pissutaalluni. Januar 2020-mi Bispebjerg Hospital-mi misissugassatut innersuunneqarpoq. Ukiuni tullinnguuttuni peqqinnissaqarfimmut attaveqarneq annertupput



Meeqqat tamarmik naleqarput

Alle børn er værdifulde

All children are valuable

eksemia katsorsaruminaannera patsisaalluni. April 2022-mi Bispebjerg Hospital-ip akulerunneratigut katsorsaannermik iluaqutaasumik nassaartoqarpoq.

Una case-iarannguaq takutilluarpaa angajoqqaajusut arlaleriarlutik saaffigineqattaarsimasut, meerarlu annertunerusumik itinerusumillu misissorneqassanani. Case aamma ilanngullugu soqutiginaqutaa tassaavoq, meeraq nakorsamut meeqqerisumut innersuunneqarmat tulliani nunaqarfimmut angalasoqalerpat, tamannalu aatsaat misissortereernermi ukioq ataaseq qaangiuppat pisinnaalluni. Ilanngullugu aamma paasineqarpoq, nunaqarfimmi tassani najugaqarfigisaani nakorsaatissaqanngitsoq. Taamaattoq takuneqarsinnaanngilaq peqqinnissaqarfimminngaanniit meeqqap nakorsaatissaanik pissarsiorniarlutik iliuseqarnerisut. Kiisalu aamma immikkoortutut sammisassaalluni, sapaatit akunnerit tallimangornerani meeqqamik misissuinissaq aatsaat ingerlanneqalerpat sapaatit akunnerit 9 ingerlareersullu. Tamannarpiaq aamma sag-iusuni arlalinni pisimavoq.

Case 4 – Meeraq qaratsimigut tinupasulik

Meeraq inunngorpoq januar 2022-mi. Meeraq inunngornermini naliginnaavoq. Meeqqap sapaatit akunnerit tallimat nalleraangat meeqqanut misissortinneq (aatsaat ingerlanneqalerpoq meeraq sapaatit akunnerit 9-magit) nalilernerqarpoq meeraq ukiumigut naleqquttuusoq. Januar 2023-mi peqqinnissaqarfimmut saaffiginnittoqarpoq, angajoqqaajusut meeqqaminnut ernumalersimmamata ilaatigut meriartarmat. Meeraq qimagussorneqarpoq nunap immikkoortuata napparsimavissuarmut misissortinniarlugu. Taamaalinerani peqqinnissaqarfimmi meeqqamut ernumasoqanngilaq, naak nappaatip suussusianik paasinninnertaqanngitsoq. Januar qaammat qiteqqunneranni 2023 peqqinnissaqarfimmi atorfilik ernumalerpoq meeraq suli meriartaqattaarmat timaalu nakkangalersimallunilu illuatungaanut. Angajoqqaat pisoq pillugu ernumanertik oqaatigisalerpaat. Januar-ip qeqqani 2023 meeraq nalilernerqarpoq pinartumik innartitaasariaqanngitsutut. Ullut arlaqanngitsut qaangiutiinnartut angajoqqaat nammineq akilikkaminnik Nuuliarput peqqinnissaqarfimmullu nutaamik saaffiginnippat, aalajangerneqarporlu meeraq Nuummi innartitaassasoq. Nuummi napparsimavissuarmut innartitaanerani allanneqarpoq OBS qaratsimigut tinupasoqartoq, scannertikkamilu takuneqarsinnaanngorpoq qaratsimigut tinupasoqartoq. Meeraq Danmarkimut nassiuunneqarpoq katsorsagassanngortilluni.

Case-mi takutinneqaqqippoo, meeqqap misissortinnissaanut piffissarititaasut unioqqutinneqartut.



Meeqqat tamarmik naleqarput

All børn er værdifulde

All children are valuable

Pisimasumi uanittaaq angajoqqaajusut arlaleriarlutik peqqinnissaqarfimmut saaffiginnittaraluarput ernumallutik, meerarlu misissortinngitsoorluni. Suliassami uani immikkoortoq tassaavoq, peqqinnissaqarfimmi atorfilik ataaseq meeqqamut ernumanini oqaasertalermagu. Taamaakkaluartoq nalilerneqanngilaq, meeraq pinartumik innartariaqartutut inissisimasoq. Suliassaq uani pineqartoq immikkut naliligassaavoq qaratsimigut tinupasoqarnera kingusinaarluni katsorsaraanni meeqqamut ajornerpaamik kinguneqariataarsinnaammat.

Ersernerluppoq qanoq ilinerani meeraq pinartumik innartariaqartutut naliligaassanersoq.

Case 5 – Meeraq sapigalik

Meeraq inunngorpoq januar 2018. Meeraq inunngornermini naliginnaavoq. Marts 2018 missaani angajoqqaajusut peqqinnissaqarfimmut saaffiginnittalerput meeqqamut ernumanertik pissutigalugu. Meeraq arlaleriarluni peqqinnissaqarfimmi sulisunit takuneqaqattaarpoq, isumaqarpullu, meeraq anillatsitsisoq, kisianni ernumasoqartariaqanngitsoq.

Marts 2018-miit ukiup 2022 naanissaata tungaanut angajoqqaajusut arlaleriarlutik peqqinnissaqarfimmut ernumallutik saaffiginnittarsimapput meeraq anillattarmat. Paasineqareersimavoq ilimanartooq meeraq tamanut sapigaliusoq (multiallergiker), kisianni misissoqqaarneqanngilaq. Ukioq 2022-mi angajoqqaajusut nammineq aalajangerpaat meerartik Danmarkimi misissortinniarlugu.

Pisumi uani pisimasuni allani assigalugit angajoqqaajusut arlaleriarlutik peqqinnissaqarfimmut saaffiginnittaraluarput ernumallutik, taamaattoq meeraq misissortinerluunniit ajorpoq. Suliassami uani immikkoortoq tassaavoq katsorsaanerup sivissusua. Angajoqqaat arlaleriarlutik saaffiginnittaqattaaraluarlutik allattuivimmi takuneqarsinnaanngilaq 2022 sioqqullugu meeraq misissortilluartoq. Tamanna meeqqap ukiuinut tunngassuteqarsimassaaq. Uanilu pineqartoq tassalu suliassap qiterpiarisaa tassaavoq takuneqarsinnaammat angajoqqaajusut arlaleriarlutik peqqinnissaqarfimmut saaffiginnittarsimagaluartut, angajoqqaatullu ernumanertik suliarineqarani.

Case 6 – Katsorsartereernermi toqusoq

Meeraq inunngorpoq 2017-mi. Meeraq inunngornermini naliginnaavoq. Angajoqqaat peqqinnissaqarfimmut 2023-mi saaffiginnipput meeraq qannguisalersimammat unnuamilu annikitsumik anersaartortarunnaartarsimalluni. Meeraq kingorna suliaritippoq pilatsilluni, taamaalineranilu toqqusaap qinersii sorsullumilu naanerit piarneqarput.



Meeqqat tamarmik naleqarput

Alle børn er værdifulde

All children are valuable

Pilatsereermat meeraq angerlatinneqarpoq. Angajoqqaat kingorna arlaleriarlutik saaffiginnittaattaaraluarput peqqinnissaqarfimmut, meeraq aattalimmik meriarimat. Peqqinnissaqarfimmi paasissutissiipput, angajoqqaat aqaguani saaffiginnittariaqartut. Kinguninngua meeraq peqqiilliorluni ajortikkiartorpoq, angajoqqaajusullu meeraq nammineq napparsimaviliaappaat aqqunartut saaffiginnittarfianukaallugu (skadestuen) piumasarivaallu meeraq suliaritissasoq. Napparsimavimmut apuutsiaannartut kinguninnguaq meeraq toquvoq.


Case-mi uani takuneqarsinnaavoq pisimasoq, angajoqqaat saaffiginnittut meeraq katsorsaqqammermat sulilu napparsimalluni, taamaatoq innersuunneqarput napparsimavimmiit aqaguani aatsaat aggeqqullugit. Katsorsaannermi pilatsimmat toqquusaap qinersii ilaatigut peerneqarput apeqqullu uaniippoq, eqqortumik katsorsaanerunersoq meeraq ilungersunartumik aanaartoq ingerlaannartumik takuneqarumangimmat naak pilatseqqammisoq.

Case 7 – Katsorsartereerluni toqusoq

Meeraq inunngorpoq 2021-mi. Meeraq inunngornermini naliginnaavoq. Anaanaasoq peqqinnissaqarfimmut saaffiginnippoq qaammat ataaseq qaangiutereermat inunngornerani meeqqaminut ernumalluni. Anaanaasoq meeqqap qiarpalunnera allagivaa. Anaanaasoq innersuunneqarpoq nakorsiarnissaminut inniminneeqqullugu. Kingorna angajoqqaajusut peqqinnissaqarfimmut saaffiginnippot nutaamik ernumanertik oqaatigalugu, meeralu innartitaavoq. Paasineqarpoq meeqqap uummataa kukkuneqartoq, tamannalu pilatsittariaqarnermik kinguneqassasoq. Meeraq Danmarkimut nassiunneqarpoq pilatsinniassamat. Meeraq iluatsittumik ajunngippasittumik pilatsittareermat Nunatsinnut utertinneqarpoq kinguninngualu toquvoq.

Angajoqqaat suliassaq 'Patienterstatningen i Danmark'-mut ingerlateqqippaat, tassanilu suliassatut itigartitaalluni, katsorsartinnissamillu innersuussineq Nunatsinniit ingerlanneqarsimammat.

Case-mi takuneqaqqissinnaavoq pisimasoq assingusoq, angajoqqaajusut arlaleriarlutik peqqinnissaqarfimmut saaffiginnittaattaaraluarlutik ernumallutik. Suliassami uani pineqartumi meeraq misissugaavoq, paasineqarporlu meeraq inunnguuseralugu uummataa kukkuneqartoq, tamannalu katsorsagassaasoq. Meeraq katsorsartereerluni ajoraluurtumik toquvoq. Suliassami uani angajoqqaajusut suliassaq ingerlateqqippaat 'Patienterstatningen i Danmark'-mut. Imaassinnaavoq meeraq Danmarkimi katsorsagaammat. Suliassatut itigartitaavoq, katsorsagaanissaa Nunatsinniit aalajangersugaammat. Suliassami pineqartumi Nunatsinni



Meeqqat tamarmik naleqarput
Alle børn er værdifulde
All children are valuable

napparsimasut utertitsivigineqarnissaminnut inatsisinik amigaateqarnerat takutitsiviuvoq. Taarsiivigitikkumalluni apeqqut Naalakkersuisunut tunniunneqarsimanersoq nalunarallarpoq.

Case 8 – Katsorsartereernermi toqusoq

Meeraq 2021-mi inunngorpoq. Meeraq inunngornermini naliginnaavoq. Angajoqqaat peqqinnissaqarfimmut saaffiginnipput qaammatit 9 kingorna meeraq kissarulummat. Meeraq misissortippoq, angajoqqaallu angerlatinneqaqqipput. Ulluni tulliuttuni arlaleriarlutik saaffiginnittarput meerarlu innartinneqarpoq misissugassanngorlugu. Meeraq napparsimavimmi innangatilluni toquvoq. Allattaavimmi allattorneqartut najoqqutaralugit meeraq toqoreermat meeqqat nakorsaannik (pædiater) misissugaavoq.

Case-p takuteqqippaa pisimasoq, angajoqqaajusut arlaleriarlutik peqqinnissaqarfimmut saaffiginneqattaaraluarlutik ernumallutik. Uani suliasami immikoorutaasoq tassaavoq meeqqap toqoreerneratigut aatsaat meeqqap nakorsaannit misissortilermat. Periarfissaavoq immaqa siusinnerusukkut meeqqanut nakorsaqaarsimanngitsoq. Allattaavinni takuneqarsinnaanngilaq siusinnerusukkut meeqqat nakorsaannut takusassanngorlugu aalajangiisoqarsimanersoq.

Naggasiineq

Qulaani nassuiaatigineqartut tunngavigalugit takuneqarsinnaavoq inatsiseqartoq meeqqap tungaaniit isigalugu, taamaalillunilu meeqqat isumaqatigiisutaat tassuuna eqqortinneqarpoq. illuatungaatigut MIO-mit misiginarpoq, meeqqat Nunatsinniittut piviusumik isigalugu akuerisaasumik peqqissarneqarnikkut pisinnaasaat tamatigut eqqortinneqarneq ajortoq, tamatumani anguniassallugu peqqinnissap qaffasinnerpaamik inissinnissaa, meeqqallu pisinnaatitaaffii malillugit allaaserisami 24-mi takuneqarsinnaasutut pisinnaatitaaffigimmassuk napparsimatillutik katsorsartissinnaanerannut akuerisaanissaat peqqissusertillu tigoqqittussaallugu, ilaatigut anguneqartarsimanngitsoq. Tamanna takutinneqarpoq angajoqqaajusut meeqqaminnut peqqissutsikkut ernumanerat naamaginartumik paasineqartanngimmat, immaqa peqqinnissaqarfimmi nakorsaqaarnikkut piginnaasat naammattut pigineqanngimmata, taamaalillutik meeqqat misissorneqarsinnaanatillu katsorsartilluarsinnaanngitsut.

Misissuilaarsimanermi uani kingunerisaa aamma takutitsivoq, sulisut peqqinnissaqarfimmi eqqarsaatigalugit ersernerlummat meeqqanik katsorsaaniartilluni sunik malittarisassaqaarnersoq. MIO periarfissaqanngilaq aalajangersussallugu, peqqinnissaqarfiup iluminni malittarisassaqaarnersut, kisianni malittarisassat taakkua tamanut takusariaannaarpasinngillat.



Meeqqat tamarmik naleqarput

Alle børn er værdifulde

All children are valuable

Tamanna angajoqqaanut imatut paasineqassaaq, taamaalillunilu meeqqanut toqqaannanngikkaluartumik, ersernerlummat, napparsimasutut inisseqqanermi peqqinnissaqarfimmut sunik piumasaqartoqarsinnaanersoq.

Ilanngullugu aamma Case-ni oqaluttuarineqartut takutitsipput peqqinnissaqarnikkut tunniunneqartussat amigartuusut tamannalu meeqqanut ataasiakkaanut ilaqutaannullu tamarmiusunut annertoorujussuarmik kingunipiloqartitsilluni. Tamanna pissutigalugu innersuunneqarpoq pineqartup annertussusaa misissorneqaqqittariaqartoq.



Inatsisartut
ATT: Ilaqutariinnermut Peqqissutsimullu Ataatsimiititaliaq

Imm. 34 pillugu Ilaqutariinnut Peqqinnissamullu Ataatsimiititaliamit apeqquutinut akissutit

03-05-2024
Suliap normua 2024 - 14129
All. nr. 23102322

Peqqinnissaqarfiup iluani napparsimasut naammagittaalliuteqarsinnaanerat taarsiiffiqineqarsinnaanerallu pillugit Inatsisartut inatsisaattut siunnersuummut apeqquutissinnut qujanaq, apeqquutisi uingasunik allallugit ataani ilanngunneqarput kingornatigullu akissutaat ilanngullugit.

Postboks 1160
Oqarasuaat:
34 50 00
Fax: 34 55 05
3900 Nuuk

Email: pn@nanoo.gl
www.naalakkersuisut.gl

1) *Inatsisissatut siunnersuummut nassuiaatini Naalakkersuisoq allappoq, naammagittaalliuit pillugit suliat Kalaallit Nunaanni atugassarititaasut immikkut ittut eqqarsaatigalugit aammalu piginnaasaqarnermut tunngasut eqqarsaatigalugu naammagittaalliuit suliarineqarumaartut. Kalaallit Nunaanni peqqinnissaqarfik nunap immikkoortulersugaavoq sulisullu assigiinngitsorujussuarnik ilinniagaqarlutillu piginnaasaqartut. Sunarpiaq "Kalaallit Nunaanni atugassarititaasut immikkut ittut eqqarsaatigalugit" eqqarsaatigineqarnersoq aammalu aalajangersagaq pineqartoq innersuussutigalugu napparsimasut naammagittaalliutaat Nakorsaaneqarfimmu itingerlatinneqartut itigartinneqarnerannik kinguneqartassanersut itisileqqullugu Naalakkersuisoq qinnuigineqarpoq*

Akissut:

Siunnersuutip § 6-ani, imm. 2-mi nalunaarutigineqarpoq, Napparsimasut Maalaarutaannut Aqutsisoqarfiup aamma Peqqinnissaqarfimmi Napparsimasut Maalaarutaannik Aalajangiisartut sulianik ataatsimut naliliinerminni ilanngussinnaasaat naammagittaalliuit suliarineqarneranut atortussanik piareersaanermut atatillugu suliamik saqqummiussinissaq Nunatsinni Nakorsaaneqarfiup suliarissavaa. Aalajangersakkami tassani siunertarineqarpoq qallunaat ingerlatsisut pissusiviusut nunami maani atuuttut pillugit aamma suliap inerneranut sunniuteqartut sunniuteqarsinnaasulluunniit paasissutissiiffiginissaat qulakkiissallugu. Assersuutigalugu tamanna paasissutissiisnaavoq sumiiffimmi pineqartumi atortut suut tassaniissimanersut imaluunniit Dronning Ingridip Napparsimmavissuanut pineqartup angallannissaanut qanoq periarfissaqarsimanersoq. Pissutsit ilai qallunaanut ataqatigiissillugu periarfissaasut naatsorsuutigineqarsinnaapput, kisianni soorlu pissuteqartumik ass. silamut imaluunniit sulisunut tunngatillugu tassunga pisinnaasimannginneq taamalu suliap suliarineranut atatillugu isiginiarneqartussaapput. Taamaattumik nassuiaatini oqaasertani siunertarineqarpoq pisariaqartitsineq erseqqissasallugu naak Danmarkimi suliaq suliarneqaraluartoq tamanna kalaallinut atassuteqartillugu pissaaq.

Nassuiaatini oqaasertani aamma siunnersuummi § 6, imm. 2-mi naammagittaalliutitp suliaritinnissaanut periarfissamik ilaatitsinnginnissamik Nunatsinni Nakorsaaneqarfik periarfissinneqanngilaq.

2) Sooq meeqqamik ataatsimik annaasaqarnermi taarsiissuteqarnissaq kisimi pineqarnersoq kukkusumillu suliaritissimasut pineqaratik napparsimasunullu ilaquataasut allat pineqannginnerat, tak. §16, nassuiaatigineqarnissaa pillugu Naalackersuisoq qinnuigineqarpoq aammalu aningaasat annertussusilerneqarnissaannut Naalackersuisut pisinnaatinneqarnerannut tunngaviusoq nassuiaatigeqquneqarluni.

Akissut:

Meeqqamik annaasaqarnerup akerlianik inunnik allanik annaasaqarnerup assigiinngissutaa tassaavoq meeqqamik annaasaqarnermi taarsiiffigineqarsinnaatitaaneq qaqutigoomat siunnersuutip § 15, imm. 2-mi nammineq akiliutit sinneqartillugit annaasat aningaasaqarnermi naatsorsorneqasinnaassammata. Malitsitit aningaasartuutit aningaasatigut naatsorsorneqavissinnaanera imaaliillaannaq naatsorsorneqarsinnaannginnera nassuerutigalugu peqqinnissaqarfimmit kukkunerup kingunerisaanik ajoquserneq pisimappat taartisinikkut minnerpaamik akiliuteqarnissaq qulakkeerneqarsinnaassasoq siunnersuummi kissaatigineqarpoq.

Aamma malugineqassaaq, inunnik allanik annaasaqarnermi ajoquserneq taarsiiffiusinnaatitaasumut, ilaquataasut aquutigalugit toqusoq sinnerlugu naammagittaalliornissamat periarfissaqassaaq taamaalillunilu toqukkut qimatanut taarsiissuteqarsinnaaneq akilernerneqarsinnaalluni. Taamaalilluni aningaasat qimatat inaarutaasumik agguanneqareernerata kingorna kingornussisut naleqqutsitaannik siunertanut atorneqarsinnaapput.

Taartisiap erseqqarinnerusumik aaqqiiffiginissaanut pissutaasoq Naalackersuisunut suliakkiutigineqarnissaa kissaatigineqarpoq, aningasat pisariaqartitsinertut akuttunngitsumik aaqqiissuteqarfigisinnaaneranut periarfissaq qulakkeerniarlugu, taamaalillunilu matussusiinernerme pisariaqartitsinermut naapertuutsiniarlugu.

3) Taarsiissuteqarnissamat ilaquatariinnut meerartalinnut taamaallaat sooq atuunnersoq nassuiaatigineqarnissaa pillugu Naalackersuisoq qinnuigineqarpoq, peqqinnissaqarfiup sullississutai il.il. pillugit Inatsisartut peqqussutaanni § 1, imm. 2-mi allassimavoq "Suliassaminik pilersaarusiormermini peqqinnissaqarfiup anguniassavaa peqqinnissaqarfiup sullissinerinut assigiimmik periarfissaqartitsisoqarnissaa sumi najugaqarneq apeqqutaatinnagu"

Akissut:

Apeqqut sumik tunngaveqarpiarnersoq ersarluppoq. Siunnersuummi taarsissuteqarneq pillugu malittarisassat ilaquatariinnut meerartalinnuunnaq sammisinneqanngillat.

3a) Inatsisip allanngortinneqarnissaanut siunnersuutip matuma Kalaallit Nunaanni napparsimasut pisinnaatitaaffigisaat naligiikkunnaarnerannik kinguneqassasoq Naalackersuisut naliliippat?

Akissut:

Apeqqut 3-mut akissut takuuk.

3b) Napparsimasut allat inatsisitigut inissisimanagerat inatsisissatullu siunnersuut manna aqqutigalugu taarsiiffigineqarnissamut qulakkeerinninnissamut periarfissat qanoq inissisimappat?

Akissut:

Apeqqut 3-mut akissut takuuk.

3c) §10 imm. 4: Suliassaqarfiit suut aalajangersakkami ilaatinneqarnissaannut malittarisassat atorniarneqarnersut nassuiaatigeqqullugu Naalackersuisoq qinnuigineqarpoq? Taanna paatsuunganalaarpoq. Pisinnaatitaaffik qanoq suliassaqarfimmilu sumi atorniarneqarnersoq nassuiaatigineqassasoq Naalackersuisoq qinnuigineqarpoq?

Akissut:

Suliassaqarfiup siunnersuuteqarnikkut aaqqiiffigineqarnissaa suliarinninnermi pissutsit akornusernerillu kisissaanngitsut siammasissamik matussusissagai kissaatigineqarpoq, aamma tunngaviusussamik aalajangersakkanut ilanngunneqartunut, nalunaarummut tunngatillugu pissutsit annertussusiani takuitsoorineq imaluunniit tulluannngitsut ilanngunneqartut aaqqiiffiginnaajumallugit siunnersuut naammattumik eqqaassuseqartinniarneqarpoq. § 10, imm. 1 oqaasertaliornera siammasippoq inatsimillu atuinikkut piffissap ingerlanerani Inatsisartut inatsisaata paasininnissamut nassuiaaneq ineriartussaaq, taamaalillunilu nalunaarutikkut tunngaviusumik aalajangersaanermut suleriaaseqarneq inatsisunik tunngavissaqartilissallugu imaluunniit nassuiaat taanna sumut sammitillugu aaqqiiffiginissaa periarfissaqalissaaq. Maannakkut tunngaviusumik aalajangersakkap immikkut ittumik siunertamut atorneqarnissaanut pilersaaruteqanngilaq taamaassappat siunertat taakkua aalajangersakkat ilai maannakkut siunnersuummi oqaasertalersornerani aqunneqareerput.

4) Inatsisissatut siunnersuut manna aqqutigalugu peqqinnissaqarfiup sullississutaasa pitsaassusaat siumut isigisumik qanoq qulakkeerniarneqarnersoq nassuiaatigeqqullugu Naalackersuisoq qinnuigineqarpoq, taamaaliornikkut kukkunerit amigaatillu annikinnerpaaffimminiissinnaaqqullugit?

Akissut:

Siullermik siunnersuutip kingunerisinnaavaa inummut sammisitatut naammagittaalliutitut tarsiullugit naammagittaalliutit ingerlanermut naammagittaalliutitut suliarineqartalennissaat tak. § 3. tassani naammagittaalliutit amerlanerusut taparserneqartalennissaat kingunerissagaa naatsorsuutigisariaqarpoq, tamanna aamma sangoriarnerussaaq, immikkoortuni pitsanngoriaatinut pisariaqartitsisunut eqqornerusumik peqqinnissaqarfimmi aqutsisunut takussutissiissallutik.

Aappaattut siunnersuutip kingunerissavaa naammagittaalliutit immikkut pissusillit pingasuusut tamarmik Nunatsinni Nakorsaaneqarfik aqqutiglugu nassiunneqartalissammata tak. siunnersuummi § 5, taamaalilluni Nunatta Nakorsaaneqarfia nakkutilliisutut oqartussatut aamma tamanna pillugu malittarisassat

atuuttut naapertorlugit nakkutilliinermik pisariaqaritsinerup nalilernissaanut ataannartumik pitsaanerusumik periarfissaqalissaaq.

Pingajussaattut siunnersuut oqaloqatigiilluni ataatsimiinnernut inatsisitigut tunngavissaqartitsinermut periarfissiinermik atuutilersitsissaaq, tak. § 7, suliani aalajangersimasuni napparsimasunik taakkua ataatsimiinnerit tunuliaqutaralugit ataatsimeeqarterit Peqqinnissaqarfik imminut eqqarsaatiginissaannut amerlanernik periarfississavaa.

5) Oqaloqatigiinnermi illersuisoqarsinnaanermut tak. §7, imm. 3 naapertorlugu pisinnaatitaaffiup qanoq ingerlanneqartarnissaa nassuiaatigineqassasoq Naalackersuisoq qinnuigineqarpoq aamma periarfissap tamatuma piviusunngortinneqarnissaanut suliarnut matumunnga tunngatillugu siunissami suliniutigineqartussatut pilersaarutigineqartut Naalackersuisut ilisimatitsissutigisinnaavaat?

Akissut:

Aalajangersakkami pineqartoq illersuisoqarsinnaatinnegarpoq, pineqartoq ilaquuttaminik inummilluunniit allamik ataatsimiinnermi peqateqarsinnaalluni, taamaattumillu oqaloqatigiinnermi kisimiinnani. Siunertamut pisortatigoortumik aqutsissummik pilersitsinikkut taamaaliornikkullu inunnik kinaassusersiunngitsunik peqataatitsinissamik neqerooruteqarnikkut illersortaqaarnissamut aqqissuussavimmik pilersitsinissaq maannarpiaq pilersaarutigineqanngilaq, kisianni ingerlaavartumik nalilersuineri taamatut aqqissuussinissaq aalajangersimasumik pisariaqartinneqartoq imaluunniit tamanna politikikkut kissaatigineqartoq paasinarsippat soorunami Naalackersuisut periarfissatut ammaffigaat.

6) Malittarisassat sukumiinerusut suuneri assersuutigalugu paasissutissiisussaataaneq naapertorlugu tak. §14, imm. 2 nassuiaatigineqassasoq Naalackersuisoq qinnuigineqarpoq, takuuk. tekst flyttes til segment 64

Akissut:

Aalajangersagaq peqqissaasut naalagaaffimmit akuerisat qanoq ilisimatitsitigisassanersut kiisalu napparsimasup taarsiivigineqarnissaa qulakkeerniarlugu qanoq ikiuutsigissanersut pillugit aalajangersaasinnaatitsivoq. Aalajangersakkamut atatillugu isumalluutit qanoq annertutigisut pisariaqartinneqalissanersut apeqqutaallutik, siunnersuinissamut aalajangersimasumut ass. naammagittaalliuteqarsinnaaneq pillugu quppersakkanik agguaanissamut pisussaaffiup annertusinissaa assersuutigaluguluunniit nakorsat peqqissaasulluunniit suliassamik inatsisitigut sularisassaminnik allanilluunniit sularineqarsinnaasunik siviluallaartumik suliqaqannginnissaat qulakkeerniarlugu iliuusissanik nassuiarneqarsimasunik pisussaaffiup annikillinissaa pisariaqarsinnaavoq. Suliassavik qanoq annertutigisumik isumalluutit atuiffiusariaqarneris maannarpiaq ilisimaneqanngimmat pissutsit maleruagassiorfiginissaanut tunngavissaq kissaatigineqarpoq, siullertut napparsimasut pisinnaatitaaffimminik ilisimanninnissaat qulakkeernissaata aappaattullu peqqinnissaqarfimmi isumalluutit sapinngisamik atorluarnerpaanissaat qulakkeernissaata akornanni oqimaaqatigiitsitsilluni.

7) Sullissinermi piffissaq atorneqartoq tak. §9, imm. 4 naapertorlugu Danmarkimi suliaritissimasunut suliat naammagittaalliutit aalajangiivigineqartut eqqortinneqarnissaannut aammalu napparsimasunut piffissartinneqartup tassunga qaangerneqarnera qanoq kinguneqassanersoq kiisalu suliat naammagittaalliutigineqartup oqartussanut susassaqartunut ingerlateqqinneqartarnissaat Naalakkersuisut qanoq qulakkeerniarpaat?

Akissut:

§ 9 taamaallaat peqqinnissaqarfimmi sullissinerit pillugit naammagittaalliutinut tunngavoq taakkulu peqqinnissaqarfimmi aqutsisunit suliarineqartarput. Taakkununga qaammatinut pingasunut killiliussaq sullissinerit pillugit naammagittaalliutip peqqinnissaqarfimmi aqutsisunit tiguneqarneranit aallartitarpoq. Sullissinerit pillugit naammagittaalliutit naammagittaalliutinut allaanerusunut (Napparsimasut Maalaarutaannik Aalajangiisartut pillugit naammagittaalliutit aamma ingerlatsineq pillugu naammagittaalliutit) attuumassuteqanngimmata killiliussamik qaangiisoqassappat Kalaallit Nunaata avataanut kinguneqarnavianngilaq, kisianni killiliussaq inatsisitigut pituttuisuvoq pissutsit qanga pinersut naammagittaalliutillu qaqugukkut suliarineqarnera ataqatigiikannernissaat qulakkeerniarlugu, naammagittaalliummi misilittakkat pisoqalivallaannginniassammata.

8) Inatsit qanoq atorneqarsinnaanera pillugu napparsimasunit ilisimaneqarnerulernissaa Naalakkersuisup qanoq qulakkeerniarneqarpa, matumani ilanngullugu assersuutigalugu naqinnernik ilisarinnissinnaanngitsunut, tappiitsunut, inunnut atuarniarnermikkut allanniarnermikkullu ajornartorsiuteqartunut imaluunniit allanut immikkut pisariaqartitsisunut ilitsersuusiortoqarnissaa eqqarsaatersuutigineqarpa?

Akissut:

Sullissivimmi naammagittaalliuteqarnissamut ilitsersuuteqassaaq, nassuiarneqarluni qanoq naammagittaalliortoqassanersoq il.il. Taassuma saniatigut napparsimasut naammagittaalliornissaannut taarsiivigineqarnissamullu qinnuteqarnissaanut aporfissakinnerpaanissaat qulakkeerniarlugu § 8 naapertorlugu naammagittaalliuteqarnissamut kingusinnerpaaffilersuinerup naammagittaalliutillu Nunatta Nakorsaaneqarfianut nassiussisussaanerup saniatigut naammagittaalliuteqarnissamut allanik piumasaaqateqanngilaq.

Taassuma saniatigut nalunaarutitigut inatsip atuutilinnginnerani qaammarsaasoqarnissaa pilersaarutigineqarpoq, pissutsit nutaat sapinngisamik tamanit ilisimaneqarnissaat anguniarlugu.

9) Kalaallit Nunaannimi sulisutigut amigaateqartoqarnera pissutigalugu, naammagittaalliutit ilaatigut Danmarkimi maalaarutinik aalajangiisartunut tunniunneqartut sulliamut attuumassuteqannginnissamik qulakkeerninnittuussasoq Naalakkersuisup tunngavilersuutigaa, taamaaliornikkut peqqinnissamut tunngasutigut sullisisoq pillugu suliamik naammagittaalliutigineqartumik nunatta nakorsaaneqarfia suliaqannginnissaa Naalakkersuisumit tunngavilersuutigineqarluni. Peqatigisaanik inatsisissatut siunnersuummi §9, imm. 1 naapertorlugu nunatta nakorsaanerata suliat naammagittaalliutit suliarisinnagai tunngavilersuutigineqarluni aammalu peqqinnissaqarfimmi peqqinnissamut tunngatillugu suliatigut sulinermi ataatsimut isigalugu pitsaassuseq nalinginnaasumik akuerisaaq malinneqarnerasoq pillugu

isummersinnaanersoq pillugu nalilerlugu. Aalajangersakkamut matumunnga tunngatillugu nunatta nakorsaaneqarfia suliamut attuumassuteqannginnissaa qulakkeerneqarsimanersoq nassuiaatigineqassasoq Naalakkersuisoq qinnuigineqarpoq?

Akissut:

Naammagittaalliutit suliarineqaleraangamik inuit naammagittaalliutinik suliarinnittut qanippallaannginnissaat, taamaattumillu pineqartoq pillugu suliap kingunissaanut soqutigisaqartuunnginnissaat soqutigisaqartuusinnaannginnissaallu, pingaaruteqarpoq. Assersuutigalugu peqqinnissaqarfimmi katsorsaaneq pillugu naammagittaalliortoqartillugu peqqinnissaqarfimmi peqqissaasut allat immikkoortortaqarfimmi aqutsinermiluunniit tassangaanneernerat pissutigalugu suliap suliarineqarnerani ilanngunneqartariaqalissappata apeqquserneqarsinnaassapput. Sulianik taakkuninnga suliarinninnermik Danmarkimut nuutsitsinikkut soqutigisat qaleriilinginnissaat ilimanannginnerulissaaq.

§ 9 sullissinermi naammagittaalliutinut tunngavoq taamaattumillu naammagittaallioriaatsulli allatulli eqqarsaatinut taakkununnga malinnittusnaanani, pissutigalugu naammagittaalliutinik taamaattumik suliarinninnerup siunertaa pingarneq tassaamat imminut tarrarsorfigisinnaaneq immikkoortortaqarfimmilu ingerlatsinermi naleqqussarneq. Taassuma saniatigut § 9-mut nassuiaatini immikkut ittuni Nunatsinni Nakorsaaneqarfik naammagittaalliutinik takkuttunik nalilersuisinnaanera pillugu allassimasoqarneranut pissutaavoq naammagittaalliut tiguneqartoq imarisaatigut ass. peqqinnissaqarfimmit sullissinneqarneq taarsiiviginninnissamullu suliaq pillugu naammagittaalliutinngorlugu allanngortinneqartariaqartoq Nunatta Nakorsaaneqarfiata paasiguniuk, Nunatta Nakorsaaneqarfiata tamanna tamanna naammagittaalliteqartumut nalunaarutigisinnaasariaqarparaa, naammagittaalliteqartoq manna naapertorlugu naammagittaalliummini allannguisinnaaniassamat, pineqartup kissaatigissappagu. Tamanna napparsimasup inatsisitigut illersugaaneranut pitsanngorsaataaginnassaaq.

10) Namminersorlutik tagiartuisartut, timersortartunut tagiartuisartut, timimik sungiusaasartut, osteopaterit, kiropkatorit il.il. ajoqusernermi taarsiisussaaitaanersut aammalu §23 naapertorlugu suliaasaqarfimmi sulisut taakku nunatta nakorsaaneqarfiata nakkutiginerai pillugu Naalakkersuisoq nassuiaaqquneqarpoq?

Akissut:

Inuusutissarsiuutit taaneqartut arlallit sullissinernik assigiinngitsunik neqeroortarput, taakkunganna ilaat katsorsaataallutik allallu sukisaarsaataallutik. Siunnersuummi siunertarineqarpoq peqqissaavittut suliffeqarfimmut naammagittaalliorsinnaanerup taarsiisuteqartoqarsinnaaneratalu qulakkeernissaat, tamatumalu kinguneraa inuusutissarsiuutini taaneqartuni tamani katsorsaanerit/passussinerit assigiinngitsut tamarmik inatsimmi pineqanngitsut. Apeqqummut akissummut peqqissaanermut suliffeqarfimmi siunnersuummi § 2, nr. 2 aamma 3 naapertorlugit peqqissaasoq suliarinnittuunersoq. Napparsimasoq ass. makisimigut anniarujussuarluni katsorsarneqarpat ajuutinillu ikiuisartumit katsorsarneqarnermigut diskusprolapsilersimalluni, tamanna siunnersuummi aallaaviatigut ilaassaaq.

Taakku inuit/inussutissarsiortut Nakorsaaneqarfiup nakkutigisai Nunatsinni Nakorsaaneqarfiup sulinera pillugu Namminersorlutik Oqartussat nalunaarutaanni §§ 7-10-mi allassimapput. Tassani peqqinnissaqarfimmi avataanilu peqqissaanermi ilinniarsimasutut ingerlatsineq peqqissaasutullu ilinniarsimasutut nakkutigineqarnissaat allassimavoq. Inuussutissarsiutit taaneqartut ilaanersut, piumasaqaatit siuliani taaneqartut aallaavigalugit nalilerneqartassapput.

11) §24 naapertorlugu sillimmatit aalajangersarneqarsinnaanerinit piumasaqaat pillugit itisiliisoqarnissaanik Naalakkersuisoq qinnuigineqarpoq.

Akissut:

Naalakkersuisut ass. siunnersuut naapertorlugu atuussinnaanissaa oqartussanut taarsiisussaataitaasinnaasunut tamanut sillimmasiinissamut isumaqatigiissummi ilaassasut maleruagassiisinaanissaat siunertaralugu aalajangersagaq ilanngunneqarpoq, taamaaliornikkullu ass. peqqissaasut namminersortut inatsimmi pineqartut ingerlatseqatigiiffimmini killilimmik akiliisinnaajunnaanerminni taarsiinngissinnaapput. Assersuutigalugu sillimmasiissutissat minnerpaaffilerlugit piumasaateqartoqarsinnaavoq.


Maannarpiaq siunnersuummi sillimmasiisussaatsisoqanngilaq, pissutigalugu maannarpiaq suliassaqarfiit inuilluunniit taamaattut siunnersuummi pineqartut pillugit sillimmasiinissamut isumaqatigiissusiorsinnaanissaat qulakkeerneqarsinnaanngimmat.

12) Napparsimasut pisariinnersumik sullinneqarnissaminnut kukkusumillu suliaritissimanerminnut naammagittaalliuteqarnissaminnut inatsisip qanoq atorneqarnissaanut immikkut ilitsersorneqarnissaannut suliaqartoqassanersoq Naalakkersuisut nassuiaaquneqarput.

Akissut:

Inatsip atuutilinnginnerani Sullissivinni naammagittaalliuteqarnissamut ilitsersuummik nutarterisoqassaaq, siunnersuut akuerineqassappat. Naammagittaalliutinik aqutsissummi misilittagartusiartortoqartillugu ilitsersuutit nutarterneqartarumaarput, taamaaliornikkut inuit paaserusutatik paasipallattarsinnaassavaat inummik aqutsissummut atassuteqartumik saaffiginninngikkaluarlutik.

Inussiarnersumik inuulluaqqusillunga


Agathe Fontain
Naalakkersuisoq for Sundhed




NAALAKKERSUISUT

GOVERNMENT OF GREENLAND

Peqqinnissaqarfiup iluani napparsimasut naammagittaalliuuteqarsinnaanerat taarsiiffigineqarsinnaaneralu pillugit Inatsisartut inatsisissaattut siunnersuutip naatsumik saqqummiunneqarnera

Maalaaruteqartarnermut taarsiissuteqartarnermullu
inatsit





NAALAKKERSUISUT
GOVERNMENT OF GREENLAND

Tikilluaqqusineq

Peqqissutsimut Naalakkersuisoq Agathe Fountain



Pilersaarut

- Sullissisut akuusut taakkulu inissisimaffii
- Sullisseriaaseq maanna atuuttoq
- Siunnersuutaasut qulequtaat
- Siunnersuutip immikkoortuisa pingaarnarit saqqummiunneqarneri
- Apeqquteqartitsilluni ammasumik oqallinneq




Ilanngussat mappersagangorlugit

1. Maalaaruteqartarnermut taarsiissuteqartarnermullu inatsit oqaaseqaatitalik
– maanna naqitaq tunngavigineqartoq.
2. Maalaaruteqartarnermut taarsiissuteqartarnerullu inatsissap naqinnera
siulleeq, 2021-mi saqqummiunneqartoq, allannguutissanik
nalunaaqutserneqartunik, naqeqaakkamut naleqqiullugu
ilassutigineqartunik takutitsiffiusoq.
3. Tusarniaanermi akissuteqaatit tiguneqartut.
4. Sullissisut taakkunungalu naalisaatit allattorsimaffiat.
5. Siunnersuummi saqqummiunneqartumi sullissinerit ingerlariaasissaattut
naatsorsuutigineqartut takutinneqarneri.
6. Maleruagassat maanna maalaarutininik taarsiinissamullu sulianik
suliaqarnermi atorineqartut katersorneqarneri.

Suleqatitut akuusut



NAALAKKERSUISUT
GOVERNMENT OF GREENLAND





Sullissisut akuusut

Bilag 5


Aktører involveret i sager jf. klage- og erstatningsloven

Enhedsnavn	Kort om enheden	Opgaver tilknyttet enheden
Landslægeembedet (GRL) Forkortelse - NUN	Landslægeembedet skal fungere som den koordinerende og praktiske instans mellem de grønlandske parter og de danske systemer som skal sagsbehandle.	<ul style="list-style-type: none">• Modtager klager, serviceklager og erstatningsansøgninger fra borgerne.• Forbereder sager forinden de sendes til de danske parter, herunder foretager høring.• Skal sikre opfyldelse af bestemmelsen om tilbud til patienter der ønsker dialog, f.eks. via cirkulærer og vejledninger.• Skal som den øverste ledelse modtage og behandle serviceklager, sagsbehandlingen kan dog delegeres.• Skal udlevere alle relevante oplysninger som Landslægeembedet efterspørger som led i deres sagsforberedelse.
Styrelsen for Sundhed (GRL)	Styrelsen er en uafhængig enhed under Departementet for Sundhed og fungerer som den øverste ledelse i sundhedsvæsenet.	<ul style="list-style-type: none">• Indgår nødvendige aftaler forud for klage- og erstatningslovens ikrafttrædelse.• Udarbejder bekendtgørelser hjemlet i loven, herunder bekendtgørelsen om lovens ikrafttrædelse.• Behandler alle erstatningsansøgninger, og træffer afgørelse herom.• Nævnet vurderer og træffer afgørelse i sager hvor der klages over den faglige virksomhed som udøves af sundhedspersoner. Som udgangspunkt træffer de afgørelse om hvorvidt en læge eller sygeplejerske har handlet inden for den norm der forventes for den pågældende persongruppe i den pågældende situation.
Sundhedsvæsenet (GRL) Forkortelse - SHV	En driftsenhed der fungerer som den ene af de to primære parter i sagsforløb for så vidt angår både erstatnings- og klagesager.	<ul style="list-style-type: none">• Styrelsen behandler klager fra patienter over sundhedsvæsenets sundhedsfaglige virksomhed (forløbsklager).• Behandler klager over afgørelser fra Patienterstatningen.
Departementet for Sundhed (GRL) Forkortelse - PN	Departementet har ansvaret for opsætningen af det nye klagesagsystem og indgå aftaler med de danske parter og i nødvendigt omfang udsteder bekendtgørelser og vurderer behovet for efterfølgende ændringsforslag til klage- og erstatningsloven.	
Patienterstatningen (DK) Forkortelse - PE	En forening som behandler erstatningssager.	
Disciplinærnævnet (DK)	Sundhedsvæsenets Disciplinærnævnet er en uvildig myndighed under Styrelsen for Patientklager der består af 1 formand, 2 næstformænd og 86 medlemmer. I konkrete sager sammensættes formanden eller næstformanden, 2 lægmandsrepræsentanter og 2 repræsentanter for den gruppe sundhedspersoner som sagen vedrører.	
Styrelsen for Patientklager (DK) Forkortelse - STPK	Styrelsen for Patientklager	
Ankenævnet for Patienterstatningen (DK)	Denne enhed ligger under styrelsen for patientklager og har til formål at behandle klager over afgørelser truffet i patienterstatningen.	

**Maalaaruteqartarnermi
taarsiissuteqartarnermilu sullisseriaaseq
maanna atuuttooq**



NAALAKKERSUISUT
GOVERNMENT OF GREENLAND





Sullisseriaaseq maanna atuuttoq

Maalaarutit

- Kiffartuussinerit pillugit maalaarutit
- Kaajallaasitaq 13.
- Napparsimasut Maalaarutaannik Aalajangiisartuni suliat
- Peqqinnissaqarfimmi napparsimasut maalaarutaannik aalajangiisartunut maalaarutit pillugit Namminersorlutik Oqartussat nalunaarutaat

Maanna maalaarutininik suliaqartarnermut atatillugu ajornartorsiutaasartut:

- Peqqinnissaqarfimmi sulusunik aalajangersimasunik akisussaasunnngortitsisoqarsimatinnagu isornartorsiuisoqartanngilaq.
- Taarsiissuteqarnissamut suliani oqaaseqaatit tamatigunngajak pingaarnerut uppersaataagineqartarput.
- Oqaloqatigiinnissamut malitseqartitsinissamullu suleriaatsininik malitassanik soqanngilaq.
- Kiffartuussinerit pillugit maalaarutini tamanik takunnissinnaanissamut qularnaveeqqutissaqartoqanngilaq.



Sullisseriaaseq maanna atuuttoq

Taarsiissuteqarnissamut suliat

- Kalaallit Nunaanni taarsiissuteqarnissamut akisussaaffeqarneq pillugu inatsit (Peqqussut nr. 1078 2015-imeersoq)
- Danskít inatsisaat 3-19-2 (sulísítsísut akisussaaffeqarnerat)
- Peqqussutit ilaasa písoqalísarneri píllugít inatsít (inatsít 1908-meersoq)


Maanna taarsiissuteqarnissamut sulianik suliaqartarnermut atatillugu ajornartorsiutaasartut:

- Suliani sullissínerít Peqqíssutímút Naalakkersuísoqarfímí íngerlanneqartarput, aammalu suliat assígímík suliaríneqarníssaat qulakkeerníarlugu síunnersortí ataaseq aqqutígalugu akííuteqarluni sullíssítísisoqartarpoq.
- Suleqatígíínníssamut pítsaassutímíllu qaffaaníssamut períarfíssat kíllíllít.
- Ílusíííneq nálorínartóq, ínummít ataasíínnarmít akíssusaaffíneqartaramík.
- Sulíat maleruagassat tamánut atuuttut naapertorlugít suliaríneqartarput, taakkunungalu taarsiissuteqarníssamut pímasaqaatít ílaapput..
- Úppernarsaasííínnáanermík ajornartorsíuteqarnerít.
- Píffíssat sulíassaník sullíssíffíusut.



Sullisseriaaseq maanna atuuttoq

Piffissat sulianik suliarinniffiusut





Sullisseriaaseq maanna atuuttoq

Peqqissutsimut
Naalakkersuisoqarfimmi
piffissat suliassanik
sullissinermi
atorneqartut


Aktive sager	
Dato	09-04-2024
Sager klar til behandling	76
Afventende sager	101
Sager med kritik	32
Sum (klar+afvent)	177
Til oversættelse, eller afsendelse	14



Sullisseriaaseq maanna atuuttoq

Napparsimasut Maalaarutaannik Aalajangiisartut ineneri - 2023

Udfald af afsluttede sager i procent (kør musen over søjler for at vise antal)






Sullisseriaaseq maanna atuuttoq

Napparsimasut Maalaarutaannik Aalajangiisartuni agguaqatigiissillugu sulianik suliarinnittarnerup sivilissusaa


Gennemsnittlig sagsbehandlingstid pr. kvartal (kør musen henover kurven for at få vist antal sager)



Siunnersummi qulequttat



NAALAKKERSUISUT
GOVERNMENT OF GREENLAND



Siunnersuuteqarnerup kingunerisaanik allannguutissat pingaernerit



NAALAKKERSUISUT
GOVERNMENT OF GREENLAND

Peqqinnissakkut ilinniarsimasutut sulisut pillugit maalaarutit (Suliat ingerlaneri pillugit maalaarutit)

- Suliniutitut nutaatut siunnersuutip akuerineqarnerani katsorsaanerup ingerlanneqarnera tamakkerlugu maalaaruteqartoqarsinnaalissaaq, tassanilu inuk aalajangersimasoq katsorsarneqarnerup kingunerluuteqarneranut tamarmiusermut akisussaasutut nalliiffigineqartarunnaassaaq.

Peqqissaavimmi sulisut peqqinnissakkut ilinniarsimasutut sulinerat pillugu maalaarutit

- Peqqissaavimmi sulisut peqqinnissakkut ilinniarsimasutut sulinerat pillugu maalaaruteqarsinnaaneq killillerneqassaaq, taamaallilunilu peqqinnissaqarfimmi sulisup aalajangersimasup suliai pillugit maalaarutit napparsimasut maalaarutaannik aalajangiisartunit suliarineqassanersut nakorsaaneqarfiup aalajangertassavaa.

Siunnersuuteqarnerup kingunerisaanik allannguutissat pingaarnert



Kiffartuussinerit pitsaassusii pillugit maalaarutit (Kiffartuussinerit pillugit maalaarutit)

- Kiffartuussinerit pillugit maalaarutininik peqqinnissaqarfimmiit tiguisinnaaneq atuutsiinnarneqassaaq, kisiannili taakku Nakorsaaneqarfimmut nassiunneqartassapput, taamaallitut kiffartuussineq pillugu maalaaruterpiaanersut naliiiffiqineqartassapput, aammalu kisitsisitigut paasissutissanut ilanngunneqarsinnaassallutik. Kiisalu kiffartuussinerit pillugit maalaarutit peqqinnissaqarfiup qullersaanit suliarineqartassapput. Suliassat suiarineqarnissaat suliakkiissutigineqarsinnaassaaq, kisiannili akisussaaffik aqutsisunut inissinneqassalluni.

Kukkusumik katsorsaanerup kingunerisaanik meeqqamik annaasaqarnermi angajoqqaatut akisussaasuusumut ajunngitsorsiaasaqartitsisarneq

- Ajunngitsorsiaasaqartitsineq taarsiissuteqartarnertut paasineqassanngilaq, kisiannili ajunngitsorsiasat meeqqamik annaasaqarnermut atatillugu saniatigut annaasasanut, soorlu tarnit pissusiinik oqaloqateqarnermut, suliffimmiit sulinngiffeqarnermi annaasanut allanulluunniit tamatumunnga atasunut akiliutissanut atorneqassapput. Siunnersuummi meeqqamik annaasaqarnermi aningaasaqarnikkut annaasasat naatsorsorneqartarnissaat siunertaanngilaq.

Siunnersuuteqarnerup kingunerisaanik allanguutissat pingaernerit



NAALAKKERSUISUT
GOVERNMENT OF GREENLAND

Napparsimasunut taarsiissuteqarnissamut suliat

- Taarsiissuteqarnissamut suliat suliarineqartarnerini aalajangiiffigineqartarnerilu Danmarkimi napparsimasunut taarsiissuteqartarnermi suliassaqaqarfimmut nuunneqassapput.
- Maalaaruteqarsinnaanermut periarfissamik, tamanit, tassalu napparsimasunit taamatullu Naalakkersuisunit atorneqarsinnaasumik ilanngussisoqarpoq.

Siunnersuutip immikkoortui pingaernerit



NAALAKKERSUISUT
GOVERNMENT OF GREENLAND



Siunnersuutip immikkoortui pingaernerit



Katsorsaanerit suut pineqarpat:

- § 1. Inatsisartut inatsisaat peqqinnissaqarfimmi peqqissaanermik suliaqarneq pillugu naammagittaalliuteqarnermut, peqqinnissaqarfimmi peqqinnissamut tunngasutigit sulinermut, peqqinnissaqarfimmi suliarinnivik pillugu naammagittaalliuteqarnermut (sullinneqarnermut maalaarutit) kiisalu napparsimasut ajoqusernerinut taarsiinissaq pillugit sulianut atorneqarpoq.
- *Imm.* 2. Pinnersaallutik passussisartut kakiuisartullu Inatsisartut inatsisaannut matumunnga ilaangillat, taamaattorli immikkoortoq 2. Kakiuisartut, nakorsaaniikkut kakiuisut Inatsisartut Inatsisaannut ilaapput.
- *Imm.* 3. Tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit Inatsisartut Inatsisaat mailillugu naammagittaalliutit Inatsisartut inatsisaannut matumunnga ilaangillat.
- *Imm.* 4. Nakorsaatinit ajoquserneqarnermut taarsiinissaq pillugu suliat Inatsisartut inatsisaannut matumunnga ilaangillat.
- *Imm.* 5. Peqqinnissamut tunngasutigit katsorsaasutut akuerisaasunit katsorsaasartut allat inatsimmut matumunnga ilaasinnaanerat pillugu Naalackersuisut malittarisassanik aalajangersaasinnaapput.

Siunnersuutip immikkoortui pingaarnert



Inuit kikkut ilaatinneqarpat (§ 2):

- Danskit akuersissuteqarnerat tunngavigalugu peqqinnissakkut ilinniarsimasutut sulisut
 - nakorsat, kigutit nakorsaat, kiropraktorit, emisussiortut, pillorissaasut, aaviisartut, napparsimasunik sullissinnermi nerisassalerisut, tarrarsuisartut, poortuusiorlut, kigutilerisut, kigutigissaasut, isaruaarniat, kontaktlinseerminat, isarualerisut, isikkanik tagiartuisartut, isumaginninnermi peqqinnissamullu ikiortit allallu (Taagorneqartut tamakkiisuunngillat)
- Peqqinnissaqarfiup iluani sulinermut tunngatillugu tarnip pissusaanik ilisimasallit, paarsisartut, peqqissaanermi ikiortit, utoqqaat illuini assistentit, nakorsaaserisut, nakorsaaserisut nakorsaaseriffinni sulisut, farmakonomit farmaceutitullu ilinniartut nakorsaaseriffinni ilinniarnermik ingerlatsisimasut.
- Kigutit nakorsaasa namminersortut peqqinnissakkut ilinniarsimasutut sulisut.
- Kalaallit Nunaanni ilinniarsimaneq akuersissuteqarnerluunniit tunngavigalugu inuit peqqinnissakkut ilinniarsimasutut sulisut
 - nakorsat, peqqissaasut, kigutigissaasut, kigutit nakorsaanut ikiortit, peqqinnissamut ikiortit, peqqinnissamut assistentit, peqqinnissakkut sulisut, peqqinnissakkut ikiortit portertullu annaassiniartartut (Taagorneqartut tamakkiisuunngillat).

Siunnersuutip immikkoortui pingaernerit



NAALAKKERSUISUT
GOVERNMENT OF GREENLAND

- Inuit kikkut ilaatinneqarpat (§ 2):

Atuuffissaanut Peqqinnissaqarfimmi Napparsimasut Maalaarutaannik Aalajangiisartunut maalaarutit pillugit Namminersorlutik Oqartussat nalunaarutaanni § 2 annertuumik isumassarsiorfigineqarpoq.

Pineqartup nassuiarneqarnerani pissutsit tunngavigineqassapput, kisianniili nassuiaatip ingerlaqqinnerani maannamut aalajangiisartunit suliaasarsimasuni periaatsit malinneqassallutik. Tamanna pissutigalugu tarnit pissusaannik ilisimasallit pissutsini nalinginnaasuni peqqissaasutut isigineqassanngillat, aammalu taakku suliaat peqqissaanermi suliatut isigineqassanngillat, tassanili tarnit pissusaannik iisimasallit peqqissaavik sullillugu sulisut, soorlu tarnit pissusiannik misissuinermut aamma peqqinnissaqarfiup ataani tarnikkut erloqissutininik katsorsaanermtut atatillugu suliaqartutpineqanngillat.

Taamaattumik tarnit pissusaannik ilisimasallit, inunnik nammineerlutik saaffinnittunik namminneerlutillu akiliisussanik sullissisuusut, assersuutigalugu annilaanganermtut ulaperulunnermullu katsorsaanernik suliaqartut inatsimmut ilaatinneqassanngillat.

Siunnersuutip immikkoortui pingaernerit



STPK-mut maalaarutit – maalaarutit inunnut tunngatinneqartut (Kapitali 3):

- § 3. Peqqinnissaqarfiup peqqissaanermik suliaqarluni ingerlatsinera pillugu napparsimasut naammagittaalliutaat kiisalu Napparsimasut inatsisitigut inissisimanerat pillugu Inatsisartut peqqussutaanni kapitali 2-5-imi allassimasut pissutsit pillugit naammagittaalliutit Danmarkimi Napparsimasut naammagittaalliutaannut Aqutsisoqarfiup isumagisarai.
- Peqqinnissaqarfiup peqqissaanermik suliaqarluni ingerlatsinera tamakkiisumik ilaannakortumilluunniit § 4 naapertorlugu peqqissaasutut sulisut pillugit naammagittaalliutinut tunngasoq pineqarpat, taava Napparsimasut naammagittaalliutaannut Aqutsisoqarfiup imm. 1 naapertorlugu naammagittaalliutit suliarisinnaangilai.
- *Imm. 2.* Napparsimasut naammagittaalliutaannut Aqutsisoqarfik peqqissaanermik suliaqarluni ingerlatsineq peqqissaanermik suliaqarnermi nalinginnaasutut isigineqartunit appasinnerunersoq imaluunniit katsorsaavik napparsimasup inatsisitigut pisinnaataaffii pillugit malittarisassanut akerliusumik iliuseqarsimansoq pillugu aalajangiissaaq.
- *Imm. 3.* Imm. 2 naapertorlugu aalajangiinerit allaffissormikkut oqartussanut allanut ingerlateqqinneqarsinnaangillat.



Siunnersuutip immikkoortui pingaernerit

STPK-mut maalaarutit – maalaarutit inunnut tunngatinneqartut (Kapitali 3):

- § 4. Kalaallit Nunaanni peqqinnissakkut sullissisunit peqqinnissakkut ilinniarsimasutut sullissineq pillugu napparsimasut naammagittaalliutaat Danmarkimi Napparsimasut Maalaarutaannik Aalajangiisartunut saqqummiunneqassapput.
- Naammagittaalliutit Napparsimasut Maalaarutaannik Aalajangiisartunut suliassangortinnissaat pillugit Nunatsinni Nakorsaaneqarfik aalajangiisuusarpoq, tak. imm. 2. Nunatsinni Nakorsaaneqarfik aamma nammineerluni suliassangortitsisinnaavoq.
- *Imm. 2.* Sakkortuumik pisimasoqartoq Nunatsinni Nakorsaaneq isumaqarpat Kalaallit Nunaanni peqqinnissakkut sullissisunit peqqinnissakkut ilinniarsimasutut sulineq pillugu sulianik Napparsimasut Maalaarutaannik Aalajangiisartunut Nunatsinni Nakorsaaneqarfik suliassangortitsisissaaq.

Siunnersuutip immikkoortui pingaernerit



- *Imm. 3.* Naammagittaalliut peqqinnissakkut ilinniarsimasutut sulinermut tungassuteqarteq § 3 malillugu naammagittaalliummut ilaappat, taava Napparsimasut Maalaarutaannik Aalajangiisartut naammagittaalliut suliarisinnaangilaat.
- *Imm. 4.* Peqqinnissakkut ilinniarsimasutut sulisoq peqqinnissakkut ilinniarsimasutut sulinera ilinniarsimasut pitsaassusilittut nalinginnaasutut isigineqartunit appasinnerunersoq imaluunniit napparsimasup inatsisitigut pisinnaatitaaffii pillugit malittarisassanut akerliusumik peqqinnissakkut sulisoq iliuuseqarsimansoq pillugu Napparsimasut Maalaarutaannut Aalajangiisartut aalajangiissapput.
- *Imm. 5.* Imm. 1-4 naapertorlugu aalajangiinerit allaffissornikkut oqartussanut allanut suliassannagortinneqarsinnaangillat.
- *Imm. 6.* Imm. 1 aamma 2 pillugit malittarisassanik erseqqinnerusunik Naalakkersuisut aalajangersaasinnaapput, peqqinnissakkut ilinniarsimasutut katsorsaaveqanngitsuni suliat pillugu aalajangiinerit saaffiginnissutigineqarsinnaanerit ilaapput.

Siunnersuutip immikkoortui pingaernerit



NAALAKKERSUISUT
GOVERNMENT OF GREENLAND

§ 6

§ 6. Nunatsinni Nakorsaaneqarfik § 5 naapertorlugu naammagittaalliummik tigusaqarpat, naammagittaalliutInatsisartut Inatsisaat manna naapertorlugu suliarineqarsinnaanersoq pillugu Nunatsinni Nakorsaaneqarfiup nalilissavaa.

Siunnersuutip immikkoortui pingaernerit



§ 6

Imm. 2. Nunatsinni Nakorsaaneqarfik misissoriikkanik allattuiffimmi atortunik aamma katsorsaavimmit naammagittaalliutigineqartumit oqaaseqaammik pissarsiniassaaq, aamma suliap aalajangersimasup naliliiffigineranut pingaaruteqartutut isigineqarsinnaasut Kalaallit Nunaanni pissutsinik atukkanillu allaaserinnittumik suliamik saqqummiussissaaq. Suliamik saqqummiussineq atugassallu Napparsimasut Naammagittaalliutaannut Aqutsisoqarfimmut imaluunniit Peqqinnissaqarfimmi Aalajangiisartunut nassiunneqassapput aamma naammagittaalliummik Aqutsisoqarfiup suliarinninneranut tunngavissatut ilaatinneqassallutik.

Siunnersuutip immikkoortui pingaernerit

§ 6

Imm. 3. Nunatsinni Nakorsaaneqarfiup aalajangiinissamut piareersameranut atatillugu pisoqalisoorsimaneq pillugu aalajangiisinnaavoq.



Siunnersuutip immikkoortui pingaernerit



NAALAKKERSUISUT
GOVERNMENT OF GREENLAND

§ 6

Imm. 4. Naammagittaalliut erseqqissumik tunngavissaqanngippat taamaasillunilu Inatsisartut Inatsisaannut ilaatinneqanngippat, taava Nunatsinni Nakorsaaneqarfiup naammagittaalliutip suliarinissaa itigartitsissutigisinnaavaa.

Siunnersuutip immikkoortui pingaernerit



Oqaloqatigiiffiusunik ataatsimeeqatigiinnerit

- § 7. Nunatsinni Nakorsaaneqarfik piffissaq eqqorlugu peqqinnissakkut ilinniarsimasutut sulisut pillugit naammagittaalliummik tigusaqarpat, § 8 naapertorlugu, napparsimasup katsorsaaviusumik oqaloqateqarnissaa Nunatta Nakorsaaneqarfiata neqeroorfigissavaa.
- Napparsimasoq neqeroorummut akuersippat maalaarut katsorsaavimmut nassiunneqassaaq, taannalu napparsimasumut attaveqarluni naammagittaalliummillu katsorsaaviup tigusaqarnerminit kingusinnerpaamik sapaatit akunneri sisamat qaangiutsinnagit oqaloqatigiinnissaq neqeroorutigissavaa.
- *Imm. 2.* Oqaloqatigiinnerup kingorna napparsimasup naammagittaalliutini taamaatikkusuppagu napparsimasullu akuersineratigut tamanna Nunatsinni Nakorsaaneqarfimmut katsorsaaviup nalunaarutigissavaa, tamatumalu kingorna naammagittaalliut naammassineqartutut isigineqassalluni. Oqaloqatigiinnerup kingorna napparsimasup maalaarutimi suli suliarineqarnissaa kissaatigippagu suliame paasissutissat attuumassuteqartut tamaasa suliarineqarqinnissaanut atugassanngorlugit katsorsaaviup Nunatta Nakorsaaneqarfianut nassiutissavai.

Siunnersuutip immikkoortui pingaernerit



Pisoqalineq pillugu aalajangersakkat - maalaarutit

- § 8. § 5 naapertorlugu naammagittaalliut, pisimasup maalaarutiginiakkap ilisimalerneraniit imaluunniit ilisimalersimasariaqarfianiit ukiut marluk qaangiutsinnagit Nunatsinni Nakorsaaneqarfimmut tunniunneqassaaq.
- *Imm. 2.* Taamaakkaluartoq § 5 naapertorlugu naammagittaalliut, pissutsit naammagittaalliutiginartut ulluata kingorna ukiut tallimat qaangiutsinnagit tunniunneqassaaq.
- *Imm. 3.* Naammagittaalliornissamut killissaritit imm. 1 aamma 2-mi taaneqartut allangortinneqarsinnaanngillat.

Siunnersuutip immikkoortui pingaernerit



Pisoqalisoorneq pillugu aalajangersakkat

- § 29. Kapitali manna naapertorlugu taarsiinissaq pillugu piumasaaqaat, taarsiivigineqarsinnaatitaasup ilisimasaanit imaluunniit ilisimasariaqagaanit kingusinnerpaamik ukiut pingasut qaangiutsinnagit Nunatsinni Nakorsaaneqarfimmut nalunaarutigineqarsimassaaq, taamaattorli imm. 2 takuuk.
- *Imm. 2.* Taarsiinissamulli piumasaaqaat ullup ajoqusernermut pissutaasumiit kingusinnerpaamik ukiut qulit qaangiunneranni pisoqalisoorsinnaavoq.
- *Imm. 3.* Imm. 1 aamma 2-mi eqqaaneqartut piffissaliussaniit immikkut akuersissuteqartoqarsinnaanngilaq.

Siunnersuutip immikkoortui pingaernerit



NAALAKKERSUISUT
GOVERNMENT OF GREENLAND

Meeqqamik annaasaqarnermi ajunngitsorsiassat

- § 16. Inatsisartut inatsisaanni kapitali 3-mut ilaasumik ajoqusernerup malitsigisaanik suli 18-inik ukioqalernani toqsumut meeqqamut angajoqqaatut oqartussaasoq imaluunniit oqartussaasut ajunngitsorsiassanik pisinnaatitaaffeqarput, nal. Imm.4.
- *Imm.* 2. Meeqqami imm. 1-imi ilaasumi paasineqassaaq meeraq inuulluni erniusoq, kiisalu naartuneq sivikinnerpaamik sapaatit akunneri 22-t tamakkersimallugit meeraq toqungalluni erniusoq.

Siunnersuutip immikkoortui pingaernerit



NAALAKKERSUISUT
GOVERNMENT OF GREENLAND

Sillimasiisusstaatitaaneq

- § 24. Kapitali manna malillugu taarsiinissaq pillugu piumasaaqaat sillimasiisarfinimi sillimasiinermi matussusersimanissaa pillugu piumasaaqaat pillugu malittarisassanik Naalakkersuisut aalajangersaasinnaapput.

Siunnersuutip immikkoortui pingaarnert




NAALAKKERSUISUT
GOVERNMENT OF GREENLAND

- § 32. Inatsisartut inatsisaat nalunaarutigineqarneratigut atuutilissaaq.

Tusagassiorfinnit allaaserisag



NAAKAKERSUISUT
GOVERNMENT OF GREENLAND





NAALAKKERSUISUT
GOVERNMENT OF GREENLAND

Meeqqat oqaaseqartartuat: Napparsimasut taarsiiffiqineqartarnerannut inatsit nutaaq pitsanngorsarneqartariaqarpoq

Peqqinnissaqarfimmi kukkusumik katsorsaasoqartillugu eqqugaasut siunnersorneqartarneri pitsaanerusariaqartut meeqqat oqaaseqartartuat Aviaja Egede Lynge isumaqarpoq.





Allaaserisamiit

Ilisimasaqarluartariaqartoq

- Maanna siunnersuisarfimmik pilersitsisoqassaaq, ajornartorsiulli tassaavoq napparsimasut naammagittaalliornermi taarsiivigineqarnissamilliinniit piimasaqarnermi suut pingaaruteqarnersut ilisimasaqarfigivallaarneq ajormassuk. Tassa aalajangiisoqaraangat nakorsamit nalunaarusiat oqaatsillu aalajangiisuusarput.
- Taamaattumik suliaq ilisimasarfigilluannngikkaanni napparsimasut ilaqutaasullu tamatigut ajorsartarput.



Allaaserisamiit

- Nakorsaaneqarfik pissaaneqalissaaq

Meeqqat oqaaseqartuata inatsisissatut siunnersuutip oqaaseqaataani allassimasut ilaat aamma isumakuluutigaa. Tassa Nunatsinni Nakorsaaneqarfiup naammagittaalliuitit tiguneqartut nalilersortassagai suliarlu Napparsimasut maalaaruteqartatut aqutsisoqarfiannut imaluunniit Peqqinnissaqarfimmi Atorfilittaasartunut saqqummiutissallugu.

Inatsisissatut siunnersuummut nassuiaammi "Nunatta Nakorsaaneqarfiata suliamik suliarinninneratigut, taarsiinissamut Kalaallit Nunaanni suliat Kalaallit Nunaanni pissutsit aallaavigalugit nalilersorneqarnissaat qulakkeerneqassaaq." allassimavoq.

Aviâja Egede Lyngep oqaaseq taanna isumakuluutigaa:



- Qanoruna isumaqarpiartoq? Nunatsinni nakorsat amerlavallaannginnerat eqqaamaqqullugu allanneqartarniartoruna? Nakorsaaneqarfik pissaanermik annertuallaamik tunineqarpoq, oqarpoq.

Suliassat isumagineqarnissaat



NAALAKKERSUISUT
GOVERNMENT OF GREENLAND


Ilanngussaq 5





Suliassat isumagineqarnissaat

Serviceklager (§ 9)



Apeqquutissaqartoqarpa?



NAALAKKERSUISUT
GOVERNMENT OF GREENLAND



Fotograf: Carsten Egevang/ARC-PIC.COM juni 2012



ILANNQUSSAQ 4

**Tallimangornermi ulloq 17. maj 2024 nal. 13.00- 14.00 ataatsimiittarfimmi
Erling Høegh-mi Ilaqutariinnermut Peqqissutsimullu ataatsimiititaliamik
isumasioqateqarnissamut apeqqu tip akineqarnera**

Brevdato: 17-05-2024
Sagsnr. 2024 - 10078
Akt id. 24180235

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Ilaqutariinnermut Peqqissutsimullu ataatsimiititaliamik isumasioqateqarnissamut
aggeqqusissummut Naalakkersuisut qujapput.
Apeqqu tip nassiunneqarsimasut ataani akineqarput.

6. Taarsiiffiginninnermut suliani aningaasartaasa aalajangersagaanissaat:

Apeqqu tip:

Suliani taarsiiffiginninnermut tunngasuni, assersuutigalugu minnerpaaffissaannut
killigitat aamma annerpaaffissaannut killigitat pillugit aningaasartaasa
aalajangersagaanissaat Naalakkersuisut ammaffigaat? Aammalu suna
tulluarnepaajussava, assersuutigalugu akigititanut qppersakkamik, kaajallaasitamik
imaluunniit nalunaarusiornikkut?

Akissut:

Katsorsarneqarnerup suunera pissutigalugu napparsimasut Danmarkimi katsorsartittut
taarsiiffigineqarsinnaatitaasumik ajoqusernissaat ilimanaateqarneruvoq.
Taamaattoqartillugu suliat taarsiissuteqartarnermut tunngasut aallaavigalugit danskit
inatsisaat naapertorlugit suliarineqartassapput aamma Danmarki aningaasartuutunik
akiliisassaaq. Taamaattoqartillugu Naalakkersuisut danskit taarsiissutigineqartunik
aalajangersaasinnaangillat.

Maani nunami taarsiissuteqarfiusinnaasumik ajoqusertoqartillugu Kalaallit Nunaanni
taarsiinissamut akisussaaneq pillugu inatsimmik atuinikkut nalinginnaasumik sivilisuumik
sivilisussilimmik suleriaaseqarneq aallaavigalugu suliat taarsiissuteqarnermut
tunngasut suliarineqarumaarput. Suleriaatsip tamatuma saneqqunneqarnissaa
kissaatigineqarpat tamanna erseqqissumik inatsisitigut malittarisassiorneqassaaq.
Tamanna pillugu immikkut ittumik inatsiseqarnissaa Naalakkersuisunit
oqallisigineqarsimangilaq. Tamatumunnga pisariaqartitsinerit sukumiinerusumik
misissornissaannut ammapput.

Inussiarnersumik inuulluaqqusillunga


Erik Jensen


Agathe Fontain